

四庫全書

經部

欽定四庫全書

經部

春秋胡傳附錄纂疏卷十八

詳校官監察御史_臣查普長

給事中_臣溫常綬覆勘

總校官進士_臣繆琪

校對官中書_臣李蔡

謄錄監生_臣官懋弼

欽定四庫全書

春秋胡傳附錄纂疏卷十八

元 汪克寬 撰

宣公下

甲定王十有二年晉景三齊頃二衛穆三蔡文十五鄭
襄八曹文二十一陳成二杞桓四十

春葬陳靈公公羊傳討此賊者非臣子
何以書葬君子辭也楚

莊王七年楚莊王七年討之矣臣子雖欲討之而無所討也

討賊者非臣子也何以書葬據衛桓齊襄本國
臣子討賊而書葬天下

之惡一也

莊十二石祁子云云

本國臣子或不能討而上有天

王下有方伯又其次有四鄰有同盟有方域之諸侯

有四夷之君長

上聲

與凡民皆得而討之

據禮臣弑君子弑父凡在

官者與在宮者皆得殺之無赦

所以明大倫存天理也徵舒雖楚討

之陳之臣子亦可以釋怨矣故得書葬君子詞也

愚按

君子之心無私故討賊不問內外蓋惡惡者天下之同情也

楚子莊圍鄭

襄左傳厲之役鄭伯逃歸自是楚未得志焉鄭既受盟于辰陵又徵事于晉春楚子

圍鄭三月克之入自皇門至于達路鄭伯肉袒牽羊以逆曰孤不天不能事君使君懷怒以及敝邑孤之罪也

敢不惟命是聽其俘諸江南以實海濱亦唯命其翦以
賜諸侯使臣妾之亦唯命若惠顧前好不泯其社稷使
改事君君之惠也左右曰得國無救王曰其君能下人
必能信用其民矣退三十里而許之平潘厓入盟子良
質出

按公羊傳

去聲

例戰不言伐圍不言戰入不言圍滅不

言入書其重者

見莊十年

楚子縣陳蓋滅之矣而經止書

入其於鄭也入自皇門至于逵道

左傳作逵路公羊作路衢

蓋即

其國都矣而經止書圍曷為悉從輕典不著其憑陵
諸夏之罪乎上無天王下無方伯天下諸侯有臣弑

君子弑父諸夏不能討而荆楚能討之春秋取大節

略小過

劉氏曰春秋畧小善而優大節

雖如楚子憑陵上國近造去聲

王都之側猶從未減於以見音現誅亂臣討賊子正大

倫之為重也

愚按據左氏公羊所記鄭襄公屈服於楚禮卑辭異以求免則楚之凌暴亦甚

矣然其能不聽左右之言而退師許平薄于利而不要其土則比于狡焉思啟封疆者猶有改過遷善之美意也高氏曰封陳侯者非楚本謀也不善而能改也故書入與鄭平者楚本謀也不為利謀所誘故書

圖

夏六月乙卯晉

景

荀林父帥師及楚子

莊

戰于邲晉師

敗績

邲音弼左傳晉師救鄭荀林父將中軍先穀佐之士會將上軍卻克佐之趙朔將下軍欒書佐之趙

括趙嬰齊為中軍大夫鞏朔韓穿為上軍大夫荀首趙同為下軍大夫韓厥為司馬及河聞鄭既及楚平桓子欲還曰無及于鄭而勦民焉用之隨武子曰善會聞用師觀釁而動見可而進知難而退軍之善政也彘子曰不可晉所以伯師武臣力也今失諸侯不可謂力有敵而不從不可謂武由我失伯不如死以中軍佐濟韓獻子謂桓子曰彘子以偏師陷子罪大矣子為元帥師不用命誰之罪也失屬亡師為罪已重不如進也事之不捷惡有所分與其專罪六人同之不猶愈乎楚子北師次于邲將飲馬于河而歸聞晉師既濟王欲還嬖人伍參欲戰言于王曰晉之從政者新未能行令其佐先穀剛愎不仁未肯用命其三帥者專行不獲聽而無上衆誰適從此行也晉師必敗且君而逃臣若社稷何王病之次于管以待之楚少宰如晉師曰寡君此行也將鄭

是訓定豈敢求罪于晉二三子無淹久隨季對曰昔平王命我先君文侯曰與鄭夾輔周室毋廢王命今鄭不率寡君使羣臣問諸鄭豈敢辱侯人彘子以為諂使趙括從而更之曰行人失辭寡君使羣臣遷大國之迹于鄭曰無避敵羣臣無所逃命楚子又使求成于晉晉人許之盟有日矣楚許伯御樂伯攝叔為右以致晉師晉之遂往請戰而還趙旃求卿未得且怒失楚之致師者魏錡求公族未得而怒欲敗晉師請致師弗許請使許之遂往請戰而還趙旃求卿未得且怒失楚之致師者請挑戰弗許請召盟許之與魏錡皆命而往晉人懼二子之怒楚師也使以軼車逆之潘黨望其塵使騁而告曰晉師至矣楚人亦懼王之入晉軍也遂出陳孫叔曰進之寧我薄人無人薄我遂疾進師車馳卒奔乘晉軍桓子不知所為鼓于軍中曰先濟者有賞中軍下軍爭舟舟中之指可掬也晉師右移上軍未動工尹齊將右拒卒以逐下軍潘黨率游闕四十乘從唐侯為左拒以從上軍隨季曰楚師方壯若萃于我吾師必盡不如收

而去之分謗生民不亦可乎殿其卒而退不敗楚熊負
羈囚知罃知莊子以其族反之厨武子御下軍之士多
從之射連尹襄老獲之載其尸射公子穀臣囚之以二
者還及昏楚師軍于邲晉之餘師不能軍宵濟亦終夜
有聲楚重至于邲遂次于衡雍祀于河作先君宮告成
事而還公羊傳莊王伐鄭勝于皇門放乎路衢鄭伯肉
袒左執茅旌右執鸞刀以逆莊王曰寡人無良邊陲之
臣以干天禍是以使君王沛焉辱致敝邑君如矜此喪
命莊王曰君之不毛之地使帥一二耆老而綏焉請唯君之
之玉面而微至乎此莊王親自守旌左右撫軍退舍七
里將軍子重諫曰南郢之與鄭相去數千里諸大夫死
者數人廝役扈養死者數百人今君勝鄭而不有無乃
失民臣之力乎莊王曰古者朽不穿皮不蠹則不出于
四方是以君子篤于禮而薄于利要其人而不要其土
告從不赦不祥吾以不祥道民災及吾身何國之有既

則晉師之救鄭者至曰請戰莊王許諾將軍子重諫曰
晉大國也王師淹病矣君請勿許也莊王曰弱者吾威
之強者吾辟之是以使寡人無以立乎天下令之還師
而逆晉寇莊王鼓之晉師大敗晉衆之走者舟中之指
可掬矣穀梁傳績功也功事也日其事敗也杜氏曰邲
鄭地張氏曰地譜鄭州城下管城縣有邲城在縣南愚
按管城縣屬今汴梁路鄭州

戰而言及主乎是戰者也

何氏曰序林父於上罪起其事言及者明晉汲汲欲

敗楚爾

按左氏晉師救鄭經既不以救鄭書矣

愚按不書救者

以其緩不及事無救患之實耳或謂不書救鄭是予
楚以伯然晉文晉悼之伯書楚人救衛救鄭豈不予
晉以又不言楚晉戰于邲而使晉主之何也陳人弑

君晉不討賊而楚能討之楚人圍鄭亦既退師與鄭

平矣而又與之戰則非觀釁

許斬反

之師也故釋楚不

貶而使晉主之獨與常詞異乎

據楚成救鄭則書宋公及楚人戰于泓楚

得臣救衛則書晉侯齊宋秦師及楚人戰于城濮今此晉救鄭當書楚及晉戰

按邲之役六

卿並在大夫司馬皆具官不欲勦

子小反

民者三帥也

違命濟師者先穀也而獨罪林父何也尊無二上定

于一也古者仗鉞臨戎專制閫外

南史沈慶之傳閫外之事將軍所得

專制李衛公問對古者出師命將授之以斧曰從此至天將軍制之又授之以鉞曰從此至地將軍制之

雖君命有所不受

史據苴傳將在軍雖君令有所不受前周亞夫傳上勞軍至細柳不

得入曰軍中但聞將軍令不聞天子詔上曰此真將軍矣唐段志玄傳與字文士及勒兵衛章武門太宗夜遣使至志玄曰軍門不夜開使者示手詔志玄曰夜不能辨帝歎曰周亞夫何以加之況其屬

乎欒書救鄭軍帥之欲戰者八人武子遂還

旋音衆不

敢遏

成六救鄭遂侵蔡楚師救蔡禦諸桑隧趙括趙同欲戰請於欒武子武子將許之知莊子范文

子韓獻子諫曰不可或謂武子曰子之佐十一人其不欲戰者三人而已武子曰善鈞從衆夫善衆之主也三卿為主可謂衆矣偪甫目反又陽之舉勺反古害從之不亦可乎乃遂還

偃二將

去聲

皆請班師荀瑩令曰七日不克必爾乎取之

遂下偃陽

襄十諸侯之師久於偃陽荀偃士句言於荀瑩曰請班師知伯怒曰云云偃句帥士

卒攻偃陽親受林父既知無及於鄭焉

音用

之矣諸

帥又皆信然其策先穀若獨以中軍佐濟者下令三

軍無得妄動按軍法而行辟

音僻

夫豈不可既不能令

乃畏失屬亡師之罪而從韓獻子分惡之言

朱子語問左傳

分謗事曰近世士大夫多是如此只要徇人情如荀

林父邲之役先穀違命而濟乃謂與其專罪六人同

之是何等見識當時為林父者知難而冒進是棄晉

只合按兵不動召先穀而誅之

師於誰責乎故後誅先穀不去

上其官此稱敗績特

以林父主之也

通旨邲之戰先穀趙旃實敗晉師而獨書林父者責元帥也武侯祁山之

戰違命于街亭者馬謖也失于箕谷者鄧芝也而武侯深自刻責以為咎皆在已此亦春秋統一之義也

任歸于一者責有所歸權分於下者衆無適從吳楚既反漢用條侯以梁王之貴太后之尊交請救援條侯謹守便宜竟破七國唐六道重兵攻圍淮蔡久而无功及裴度視師雖韓弘亦與疾督戰遂擒元濟代宗以九節度之師圍慶緒不立元帥一夕而潰其成敗之績豈不著明也哉張氏曰經以林父及之者言林父之為志乎此戰也蓋晉不能討陳亂已失王綱軍政之本乃欲恃力以爭鄭不知楚莊既討陳亂則師出有名而所以施於鄭者又進退得宜勇怯中節林父上不能輔君討亂以行盟主之大義而此行本為救鄭而鄭已服楚士穀之徒恃強專制故林父雖知楚之不可敵而不能制諸帥之從楚師考公羊則

知楚之所以勝考左氏則知晉之所以敗此春秋所以不書救鄭而特以林父主此戰著其敗師之罪也陳氏曰以大夫敵君於是始韋之戰不惟敵君且盟齊于師矣永嘉呂氏曰自楚執討賊之權于是陳為楚有鄭不堪楚之屢伐而受盟辰陵然曰與其來者可也則猶不純乎從楚也故徵事於晉晉既不能有陳而僅爭鄭則邲之一戰中外勝負之一決也自邲之敗而楚伐宋橫行于中國而莫制矣愚按林父身為元帥始既不能禁副屬之違令而專行終又不能躬帥士卒冒矢石而力戰乃鼓於軍中倡為棄甲曳兵之敗則喪師之罪不責林父而諉於誰乎然楚君大夫與中國戰皆貶書人故楚成于泓得臣于城濮囊瓦于栢舉並書人惟此書晉荀林父帥師以敵楚子者尊中國而抑中外故不以林父之有罪而貶之也泓之戰貶楚子此不貶者楚成設詐禽宋公於乘車之會以伐其國又乘勝不悛而敗宋于泓則與楚

莊為中國之所不能為者異矣○陸氏曰公羊云大夫不敵君此其稱名氏以敵楚子何不與晉而與楚為禮也按此傳因得臣與晉侯戰稱人遂穿鑿為此說爾劉氏曰子玉不見名氏林父見名氏皆為不敵君可怪也哉

秋七月○冬十有二月戊寅楚子

莊

滅蕭

左傳楚子伐蕭宋華椒以

蔡人救蕭蕭人囚熊相宜僚及公子丙王曰勿殺吾退蕭人殺之王怒遂圍蕭蕭潰杜氏曰蕭宋附庸國

假於討賊而滅陳春秋以討賊之義重也末滅而書入惡聲去其貳已而入鄭春秋以退師之情恕也末滅而書圍與人為善之德宏矣至是肆其強暴滅無罪

之國其志已盈雖欲救之不得也故傳去聲稱蕭潰經

以滅書斷

都亂反

其罪也孟子曰以力假仁者霸霸必

有大國楚莊蓋以力假仁不能久假而遽歸者也建

萬國親諸侯者先王之政

易比卦大象

興滅國繼絕世者

仲尼之法

論語

今乃滅人社稷而絕其祀亦不仁甚矣

蕭既滅亡必無赴者何以得書于魯史楚莊縣陳入

鄭大敗晉師于郟莫與校者不知以禮制心至於驕

溢克伐怨欲皆得行焉遂以滅蕭告赴諸侯矜其威

力以恐中國耳孟子定其功罪以五霸為三王之罪

人春秋史外傳心之要典推此類求之斯得矣

高氏曰楚

既得陳鄭又敗晉師遂深入中國憑陵諸夏滅人之國書以著其暴也愚按楚莊滅蕭所以逼宋而脅中國諸侯之服已也

晉景人宋

文

人衛

穆

人曹

文

人同盟于清丘

此大夫同盟之始左

傳晉原穀宋華椒衛孔達曹人同盟于清丘曰恤病討貳程子傳晉為楚敗諸侯懼而同盟既而皆渝故書人以貶之杜氏曰清丘衛地在濮陽縣東南張氏曰地譜今濮州臨濮縣東南有清丘愚按今臨清縣也

書同盟志同欲也

楊士勛曰新城書同傳云同外或楚則清丘亦是外楚省文也

以惡去其反覆

音福

而書同盟非也春秋不貴盟誓自

隱公始年書儀父盟蔑宋人盟宿已不實言矣

七年伐邾

渝蔑之盟十年伐宋渝宿之盟

奚待清丘然後惡其反覆乎清丘載

書恤病討貳口血未乾

音干敗

必邁反

其盟好

上聲

所謂不

待貶而惡見

音現

者也又奚必人諸國之卿然後知反

覆之可罪乎楚既入陳圍鄭大敗晉師伐蕭滅之憑

陵中國甚矣為諸侯計者宜信任仁賢修明政事自

強

上聲

於為善則可以保其國耳曾不是圖而刑牲歆

血要質鬼神斬

音祈

以禦楚謀之不臧孰大於是故國

卿貶而稱人譏失職也原穀違命喪

去聲

師乃晉國罪

人而主茲盟約所信任者皆可知矣

家氏曰幽之同盟內外大小翕

然來同齊伯之方盛也新城之同盟諸侯散者復合
晉伯之漸衰也清丘之同盟異者衆而同者鮮晉不
復可言伯矣而春秋于四國之為此會猶以同盟書
嘉其不以勝負為從違捨燎原強盛之楚從喪敗方
新之晉是故猶許之以同盟然視于幽之同則不可
同日語矣愚按新城之同晉以趙盾主盟清丘之同
復以四國之大夫盟齊盟所以一天下之心而晉以
大夫尸之又其甚而諸侯之大夫與焉伯業之不振
宜矣○劉氏曰左氏云卿不書不實其言也夫春秋
之世不實其言者衆矣奚獨此耶且華椒不宜被貶

宋文師伐陳

成衛

穆

人救陳

左傳宋為盟故伐陳衛人救之孔達曰先君有約言

焉若大國討我則死之

陳有弑君之亂宋不能討而楚能討之雖曰縣陳尋

復

扶又

封之其德於楚而不貳未足責也宋人不能

內自省德遽以大衆伐之非義舉矣衛人救陳背

音佩

盟失信而以救書者見

音現下同

宋師非義陳未有罪而

受兵為可恤也且謀國失圖妄興師旅無休息之期

則亂益滋矣其以救書意在責宋也若衛叛盟則不

待貶絕而惡自見矣

高氏曰書衛救陳者所以罪宋也然衛方盟于清丘而反救陳

救雖義事而有背盟之惡故稱人愚按清丘之載書恤病討貳而宋之討陳衛之救陳皆非春秋所與者不度德不量力而啓釁於強楚渝盟失信以從簡書名雖是而實則非矣

乙定王十
丑一年

十有三年

晉景四齊頃三衛穆四蔡文十六鄭襄九曹文二十二陳成三杞桓

四十一宋文十五
秦桓九楚莊十八

春齊

頃師伐莒

季佗公作伐衛左傳莒恃晉而不事齊故

也臨川吳氏曰齊以彊凌弱而伐莒十一年之伐稱齊人此稱齊師者甚其動大衆而伐小國也○愚按公羊

作伐衛證之經文前後皆無齊衛交怨之事而於莒則四年平之不肯而魯伐之十一年齊又伐之則此為伐

莒無
疑矣

○夏楚子

莊伐宋

文左傳以其救蕭也

楚人滅蕭將以脅宋諸侯懼而同盟為宋人計者恤
民固本輕徭薄賦使民效死親其上則可以待敵矣
計不出此而急於伐陳攻楚與國非策也故楚人有
詞于伐而得書爵張氏曰天下無道小役大弱役強
朱不知屈伸消長之道而欲以區
區之力強中國由此致伐愚按文定責宋特譏其啟
致兵之釁失保國之策非以楚之凌中國為無罪也
蓋不待貶絕而惡自見耳○劉氏曰左氏曰清丘之
盟唯宋可以免焉然則十二年不當貶華椒自相伐
矣

秋螽

杜氏曰為
灾故書

○冬晉

景

殺其大夫先穀

穀戶木反穀
作穀音同左

傳赤狄伐晉及清先穀召之也晉人討邲之敗與清之師歸罪於先穀而殺之盡滅其族

先穀違命大敗晉師元帥不能用鉞已失刑矣今又

重去聲有罪焉

謂召赤狄

晉人治其罪而戮之義也曷為稱

國以殺而不去

上聲下同

其官夫兵者安危所係有國之

大事也將

去聲下同

非其人則敗雖得其人使親信間

去聲

之則敗以剛愎

皮逼反

不仁者參焉而莫肯用命則敗

凡此三敗君之過也河曲之戰趙穿獨出而史駢之

謀不用

文十二秦伐晉人禦之史駢曰秦不能久請深壘固軍以待之趙穿怒曰裹糧坐甲固

敵是求獨以其屬出宣子濟涇而次樂虜於斬反欲東

而荀偃之令不行

襄十四諸侯之大夫從晉伐秦濟涇至于域林荀偃令曰雞鳴而駕

塞井夷竈唯余馬首是瞻樂虜曰余馬首欲東乃命大還今林父初將中軍乃以

先穀佐之使敵國謀臣知其從政者新未能行令誰

之過歟故稱國以殺不去其官罪累

去聲上也高氏曰

三帥皆欲還先穀固請戰遂及于敗至是以為討然釋趙旃魏錡不討而獨誅先穀為政不平殺者不受治矣又族滅之惡之甚也張氏曰越椒將攻王而楚莊尚思子文之治楚而復克黃之所先穀先軫之孫而滅其族蓋晉之德刑皆不足以敵楚矣

丙定王十有四年

晉景五齊頃四衛穆五蔡文十七
鄭襄十曹文二十三卒陳成四祀

桓四十二宋文十六
秦桓十楚莊十九

春衛穆

殺其大夫孔達

左傳清丘
之盟晉以

衛之救陳也討焉使人弗去曰罪無所歸將加而師孔
達曰苟利社稷請以我說罪我之由縊而死衛人以說
于晉而免遂告于諸侯曰寡君有不令之臣達搆我敝
邑于大國既伏其罪矣敢告衛人以爲成勞復室其子
使復其位

殺大夫而書名氏義不繫於專殺也孔達棄信以危

社稷衛人按其罪而誅之可也

通旨孔達之死謀之不臧者也先君雖有

約言若其有罪而大國見討亦可踐言不自省乎而
況同盟口血未乾即亢大國之討以危其社稷乃以

身死之求說于晉與自經於溝瀆而莫之知者奚遠哉是時陳貳于楚為孔達計者若顧約言告之以不當貳何以稱國而不去上聲其官用人謀國干犯盟可也下同

主至於見討誰之過歟稱國以殺不去其官罪累去聲

上也春秋端本清源故書法如此蘇氏曰孔達則有罪矣而衛人用其

言以干盟主故稱國以殺陳氏曰孔達自殺而稱國以殺其君意也

夏五月壬申曹伯壽卒文公也在位二十三○晉侯景

伐鄭襄左傳晉侯伐鄭為邲故也告于諸侯蒐焉而還中行桓子之謀也曰示之以整使謀而來鄭人懼

使子張代子良于楚

按左氏傳為

並去聲

邲音故也比

毗志反

事以觀知其為

報怨復讎之兵詞無所貶者直書其事而義自見

音現矣

張氏曰屈而知伸敗而能改可以興矣晉所以敗由大義不明而爭與國也今敗未兩歲而復興爭鄭之師故書晉侯以著其師之為報怨也高氏曰晉救鄭而敗于邲鄭遂即楚夫鄭背晉即楚討之正也然靈成以來文公之澤寢微干戈日尋積而至于蜀之盟而春秋之變極矣豈特失鄭而已乎

秋九月楚子

莊圍宋

文左傳楚子使申舟聘于齊曰無假道于宋及宋宋人止之華元曰無

過我不假道鄙我也鄙我亡也殺其使者必伐我伐我亦亡也亡一也乃殺之楚子聞之投袂而起屨及於室皇劍及于寢門之外車及於蒲胥之市楚子圍宋

宋人要

反於遙

結盟誓欲以禦楚已非持國之道輕舉

大衆勦

反子小

民妄動又非恤患之兵特書救陳以著

其罪明見伐之由也國必自伐然後人伐之凡事其

作始也簡其將畢也必巨易於訟卦曰君子以作事

謀始

大象始

而不謀必至於訟訟而不竟必至於師

本序

卦

若宋是矣始謀不臧至于見伐見圍幾亡其國則

自取之也春秋端本故責宋為深若蠻荆圍中國則

亦明矣

臨川吳氏曰宋前以救蕭而見伐今又以殺楚使而受圍楚之薦食上國宋之挑釁強夷

俱可罪也愚按楚莊始而滅蕭以逼宋繼而伐宋以聲其救蕭之罪又遣使過宋不假道以激怒於宋而使殺之於是國君親將環其國而攻之然則楚子之志在于凌暴中國以取威爭伯其惡甚矣文定作傳屢責宋而不責楚者楚人憑陵中夏之罪顯而易見而宋有致兵之由其罪未著也故備論之

葬曹文公○冬公孫歸父會齊侯于穀

夫禮別

筆列反

嫌明微制治於未亂自天子出者也列

國之君非王事而自相會聚是禮自諸侯出矣以國

君而降班失列下與外臣會以外臣而抗尊出位上

與諸侯會是禮自大夫出矣

愚按大夫會諸侯始於單伯會齊宋衛鄭之君

年會齊侯明年會楚子見公與之深也諸侯失政自宣公始大夫專政自歸父始

丁定王十有五年晉景六齊頃五衛穆六蔡文十八

卯三年鄭襄十一曹宣公廬元年陳成五

杞桓四十三宋文十七

秦桓十一楚莊二十春公孫歸父會楚子莊于宋文左

傳孟獻子言于公曰小國之免于大國也聘而獻物於是有庭實旅百朝而獻功於是有容貌采章嘉淑而有

加貨謀其不免也誅而薦賄則無及也今楚在宋君其圖之公說歸父會楚子于宋

楚子不假道於宋以啟釁端而圍之陵蔑中華甚矣

襄陵許氏曰楚圍諸侯縱不能畏簡書攘夷狄存先

宋之威振及魯矣

代之後嚴兵固圉以為聲援去猶之可也乃以周公之

商千乘去聲之國謀其不免至於薦賄不亦鄙乎若此

類聖人不徒筆之於經也比毗至反事以觀則知中國夷

狄盛衰之由春秋經世之略矣陳氏曰吾大夫始特會楚也朱子語公孫

歸父會楚子于宋宋人及楚人平春秋責其叛中國而從僭亂爾罪其貳伯非是春秋豈率天下諸侯以

從三王之罪人哉

夏五月宋文及楚莊人平左傳春秋使樂嬰齊告急于晉晉侯欲救之伯宗曰

不可天方授楚未可與爭五月楚師將去宋申犀稽首於王之馬前曰毋畏知死而不敢廢王命王棄言焉王不能答申叔時曰築室反耕者宋必聽命從之宋人懼使華元夜入楚師登子反之牀曰寡君使元以病告曰

敝邑易子而食析骸而爨雖然城下之盟有以國斃不能從也去我三十里唯命是聽子反懼與之盟而告王退三十里宋及楚平華元為質盟曰我無爾詐爾無我虞公羊傳莊王圍宋軍有七日之糧耳於是使司馬子反乘堙而窺宋城宋華元亦乘堙而出見之司馬子反曰子之國何如華元曰憊矣易子而食之析骸而炊之子反曰嘻甚矣憊雖然是何子之情也元曰吾聞君子見人之厄則矜之小人見人之厄則幸之吾見子之君子也是以告情于子也子反曰諾勉之矣吾軍亦有七日之糧耳盡此不勝將去而歸耳揖而去之反于莊王王曰何如子反曰憊矣易子而食之析骸而炊之莊王曰嘻甚矣憊雖然吾今取此然後而歸耳子反曰臣已告之軍有七日之糧耳莊王怒子反曰以區區之宋猶有不欺人之臣可以楚而無乎是以告之也莊王曰諾舍而止雖然吾猶取此然後歸耳司馬子反曰然則君請處于此臣請歸耳莊王曰子去我而歸吾孰與處于

此吾亦從子而歸耳引師而去之此皆大夫也其稱人何貶曷為貶乎者在下也穀梁傳平者成也

此華

去聲

元子反二國之卿其稱人何貶也

趙氏曰皆書人兩貶

之春秋賤欺詐惡去聲侵伐二卿不愛其情釋怨解紛

使宋無亡國之憂楚無滅國之罪功亦大矣宜在所

褒何以貶也善則稱君過則稱已則民作忠

見坊記

今

二卿自以情實私相告語去聲取必於上以成平國之

功而其君不預知焉非人臣之義也

董子曰子反與華元平是內專

擅而外世衰道微暴行

去聲

交作君有聽於臣父有聽

於子夫有聽于婦中國有聽于外域仲尼所為去懼聲

春秋所以作也故平以解紛啖氏曰和平而雖其所欲

而平者在下則大倫紊矣聖人明其道不計其功故

褒貶如此然則臣而有安國家利社稷者專之不可

乎曰專之而可者謂境外也公羊莊十九出竟有可以安社稷利國家者則專之

也子反在君之側無奏報之難機會之失奚急于平

而專之若是哉或曰子反攘善則知其罪矣華元救

國急難去聲而紓其情實何尤焉夫宋先代之後武王

所封以備三恪

本作憲敬之如賓客也左傳橫去見注武王克商封虞夏商之後

侵偏非有可滅之罪也若以大義責之曰子為上卿

不能恤小助桀為虐陵我郊保圍我城郭欲滅我社

稷縱子得之何面目見中華之士乎使子反果忠楚

莊果賢必為

去聲

義動退師止衆結盟而反矣何必輕

見音現情實蹈不測之險乎

宋氏曰及者汲汲也是宋人汲汲求楚之平也後世

羊陸效其所為交歡邊境而議者以為非純臣也知

春秋之法矣

晉書羊祜與吳陸抗對境使命交通抗遺祜酒祜饋抗藥時謂華元子反復見

于今朱子語羊陸相遺問只是敵國相傾之謀陳氏曰凡平不書必關於天下之故也而後書有與楚平者矣文九年陳平不書宣十年鄭平不書至宋始書之僖二十四年宋嘗及楚平矣至莊王始書之必宋從楚必莊王得宋天下將有南北之勢春秋特致意焉永嘉呂氏曰晉與楚爭陳楚討少西氏之亂而陳在楚宇下矣晉與楚爭鄭邲之戰敗而鄭又在楚宇下矣宋伐陳而衛救之則衛又貳於楚歸父會于宋而魯又即於楚楚之圍宋軍罷食盡而將去矣宋人告急晉不能出師以援之宋及楚平豈得已哉書曰宋及楚人平以見中國之無伯也以見外域之恣橫也以見諸侯之有畏于楚而莫有能救之者也○劉氏曰公羊云大其平乎已也非也臣無專美古今之誼也子反何不退與其君謀而擅與宋平乎穀梁云平稱衆上下欲之也非也暨齊平何以不曰暨齊人乎又云外平不道以吾人之存焉道之也非也宋

幸得平以告諸侯
故魯史有其事耳

六月癸卯晉

景

師滅赤狄潞氏以潞子嬰兒歸

左傳晉侯將伐

潞諸大夫皆曰不可
鄆舒有三僞才不如特後之人
伯宗曰狄有五罪僞才雖多何補焉
荀林父敗赤狄于曲梁
滅潞晉侯使趙同獻俘于王
杜氏曰潞氏赤狄之別
潞子爵也張氏曰今潞州潞城縣愚按潞州今屬平陽路

其稱曰謹之也上卿為主將去略而稱師者著其暴

也

陳氏曰滅國之大夫稱人貶也故荀林父滅潞氏隨會滅甲氏皆不書

滅而舉號及

氏者滅見滅之罪著滅者之甚不仁也潞嬰兒不死

社稷比于中國而書爵者免嬰兒之責詞也然則攘

外域安諸夏非耶徐夷並興東郊不開伯禽征之書費

誓

獫狁

孔熾侵鎬

合老反

及方宣王伐之

詩小雅

楚

人侵鄭近在王畿齊侯攘之僖四皆門庭之寇不可縱

而莫禦者也雖禦之亦不極其兵力殄滅之無遺育

也

書盤庚

今赤狄未嘗侵掠晉境非門庭之寇而恃強

暴以滅之其不仁甚矣春秋所以責晉而略狄也又

有異焉者夫伐國之要討其罪人斯止矣按左氏潞

子夫人晉景公之姊也。酆舒為政而殺之，又傷潞子

之目。則酆舒者罪之尤也。為晉計者，執酆舒，轅音諸患諸

市立黎侯。左傳：棄仲章而奪黎氏地。安定潞子，改紀其政而返，則

諸狄服，疆域安矣。今乃利狄之土。左傳：晉侯治兵，滅于稷，以畧狄土。滅

潞氏，以其君歸，何義乎？春秋所以責晉而略狄也。高氏

曰：是時楚肆其疆，圍宋踰年，晉不能救而反滅狄，利其土地亦怠于憂中國矣。愚按：晉景公會狄于攢函

而不討，陳滅赤狄潞氏而不救。宋汲汲於赤狄而忘中國，不可以言伯矣。永嘉呂氏曰：外域屢侵中國，晉

景滅之似也。然楚之圍宋歷三時而不解，晉不能興兵往救而徒加兵于狄。今年書晉師滅赤狄潞氏以

潞子嬰兒歸明年書晉人滅赤狄甲氏及留吁觀宋人之告急晉侯欲救之而伯宗方以納汙藏疾自諉及晉侯之欲伐狄諸大夫皆以為不可而伯宗乃曰後之人或者將敬奉德義若之何待之嗚呼是誠何心哉其為謀不過凌弱畏強耳不得志于楚乃求得志于狄晉侯以是賞桓子又以是賞士伯又獻狄俘于周君臣之間矜然德色何暇謀及楚哉備書而義自見矣○劉氏曰公羊云潞子之為善也躬足以止耳非也夷狄之君稱子周禮也非為善而亡也蓋迷於有爵耳穀梁云夷狄不日又曰其曰潞子賢也亦非也豈有國滅身虜而得為賢哉

秦桓人伐晉

景左傳秦桓公伐晉魏顆敗秦師于輔氏獲杜回高氏曰自二年秦師伐晉晉不報

秦今十四年矣此復來伐者乘晉兵○王定札子殺召畧狄土而闕其虛也故貶而人之

伯毛伯

召音邵左傳王孫蘇與召伯毛伯爭政使王子捷殺召戴公及毛伯衛杜氏曰王札子王子札也

經文倒
札字

王臣有書字而言子者王季子是也有書子而繫

音繼

名者王子虎是也此稱王札子者穀梁以為當上之

詞也

何氏曰天子不言子弟故變文王札惡天子不以禮尊之而任以權王氏曰變文先名若王猛

然高氏曰矯王命以殺大臣宜名之以著其罪然書札而不書王子則與內臣柔溺之類無異書王子札則與王子虎無異其為當上之詞者矯王命以殺之故變文以別之

也為天下主者天也繼天者君也君之所司者命也

為人臣而侵其君之命則不臣為人君而假其臣以

命則不君君不君臣不臣天下所以傾也

並殺梁

邢侯

專殺雍子於朝叔向

上聲

以殺人不忌為賊請施邢侯君

子以為義

見左傳昭十四晉邢侯與雍子爭田叔魚蔽罪邢侯邢侯怒殺叔魚雍子于朝叔向

曰殺人不忌為賊邢侯專殺其罪一也乃施邢侯仲尼曰義也夫

王札子之罪當服

此刑而天王不能施之無政刑矣何以保其國而不

替乎

通旨問陸淳以為王子札曰讀經當看大旨有疑處且闕之聖人之意只是罪挾王命專殺耳

蜀杜氏曰桓襄之前列國諸侯交相戰伐列國不稟王命也至此而王臣有相殺者內之卿士不奉王命

也襄陵許氏曰拓跋魏世高歡覩張彞之變而生亂
心梁武在位王侯專殺政法不施遂以亂亡無惑乎
周之無以令天下也○趙氏曰公羊云王札子者長
庶之號也此妄穿鑿耳劉氏曰穀梁云不言其何也
兩下交殺也非也凡殺大夫稱其者皆君
也豈可云王札子殺其大夫召伯毛伯乎

秋螽

人事感於此則物變應

去聲下同

於彼宣公為國虛內以

事外

何氏曰虛內
務恃外好

去聲實而務華煩于朝會聘問賂

遺

去聲

之末而不知務其本者也故戾氣應之六年螽

七年旱十年大水十有三年又螽十有五年復

扶又反

蠡府庫匱倉廩竭調去聲度不給而言利尅民之事起

矣

張氏曰自六年至今三遇蟲災而加之以水旱此宣公不修德節用愛人之所感也

仲孫蔑會齊

頃

高固于無妻

公作牟妻杜氏曰無妻杞邑王氏曰隱四年莒伐杞

取牟妻即其地

禮之始失也諸侯非王事而自相會也無以正之不

自天子出矣然後諸侯與大夫會

詳見文元會戚注

又無以

正之然後大夫與大夫會

詳見文八盟衡雍注

禮亦不自諸侯

出矣田氏篡齊

史齊世家康公十九年陳恒魯孫田和始為諸侯遷康公海濱

六卿

分晉

史晉世家靜公二年魏武侯韓哀侯趙敬侯滅晉而三分其地靜公遷為家人

三家專

魯理固然也不能辨於早後雖欲正之其將能乎

高氏

曰齊侯在穀則公孫歸父會之齊卿在無婁則仲孫蔑會之蓋公主齊久矣幸晉楚之爭而不我及也忽焉而平楚宋俾歸父請于齊侯齊侯則疑我之從楚也蔑於是復會以脩舊好焉

初稅畝

左傳非禮也穀出不過藉以豐財也公羊傳初者何始也稅畝者何履畝而稅也何以書譏何

譏爾譏始履畝而稅也古者什一而藉什一者天下之中正也多乎什一大桀小桀寡乎什一大貉小貉什一行而頌聲作矣穀梁傳初者始也古者什一藉而不稅初稅畝非正也古者三百步為里名曰井田井田者九百畝公田居一私田稼不善則非吏公田稼不善則非民初稅畝者非公之去公田而履畝十取一也以公之

與民為
已悉矣

孟子曰耕者助而不稅則天下之農皆悅而願耕於

其野矣書初稅畝者譏宣公廢助法而用稅也

杜氏曰公

田之法十取其一今又履其餘畝復十收其一故哀公曰二吾猶不足遂以為常故曰初孫氏曰古者什

一不稅于民宣公奢泰國用不足又殷制公田為助取私田以斂其一始什二而稅也

助者藉也

朱子曰商人以六百三十畝之地畫為九區區七十畝中為公田其外八家各授一

區但借其力以耕公周因其法為徹徹者通也

朱子曰周

制一夫受田百畝而與同溝共井之人通力合作計畝均收大率民得其九公取其一故謂之徹魯自宣

公稅畝又逐畝什取其
一則為什而取二矣其實皆什一也古者上下相

親上之於下則曰駿發爾私終三十里
詩周頌噫嘻篇惟恐

民食之不給也下之於上則曰雨
去聲我公田遂及我

私
詩小雅大田篇惟恐公田之不善也故助法行而頌聲作

矣世衰道微上下交惡民惟私家之利而不竭力以

奉公
劉向曰是時民患上惟邦賦之入而不惻怛以

利下水旱凶災相繼而起公田之入薄矣所以廢助

法而稅畝乎初者志變法之始也
通旨什一天下之中正不可寡亦不

可多也今宣公擅變先王之仁政而滅其所以為中
於其國與民者既借其力以耕公田又理民田而稅
其私畝書曰初稅畝者志其後作丘甲成元用田賦十
亂常之始自是而不復矣

二至于二猶不足則皆宣公啟之也故曰作法于涼薄也

其弊猶貪作法于貪弊將若何昭四渾罕云云有國家者必

欲克守成法而不變其必先務本乎趙氏曰穀梁云非公之去公田

而履畝十取一也蓋公田之外又履步其田十又稅
其一論語曰二吾猶不足是也愚按三代制田取民
雖皆不過什一而其為法至周始詳密而周盡為人
君者苟能謹守其中正之制則可以足國而裕民矣
今宣公以簒得國既不能修德以弭天災而感水旱
蟲稼之變又不能斂奢以節國用而貽飢饉空乏之

憂於是一旦紊先王之制增稅畝之法作法於貪其害有不可勝言矣易世而成公作丘甲而賦民之力有加于古迄春秋之終而哀公用田賦而民財民力殆無遺餘皆肇于宣公之作俑也又使諸國效尤鄭子產則作丘賦魏文侯則增租賦卒至暴秦開阡陌更賦稅而先王之制窮今不復豈非宣公首禍以致然乎春秋書初者二初獻六羽喜禮之復正也初稅畝憂田制之變古也美惡不嫌同詞

冬蠓生

蠓悅全反公羊傳蠓生何以書上變古易常應是而有天災其諸則宜于此焉變矣穀梁傳非

災也其曰蠓非稅畝之災也

始生曰蠓既大曰螽

本何氏注

秋螽未息冬又生子災重

去聲及民也而詳志之如此者急民事謹天災仁人之心

王者之務也遇天災而不懼忽民事而不修而又為

繁政重賦以感之國之危無日矣

高郵孫氏曰螽者螽之子也春秋之

秋夏時之夏春秋之冬夏時之秋也螽為災於夏而

螽生於秋一歲而再為災故志也王氏曰螽螽之子

爾雅謂蝻蝻說者以為螽之有子不因牝牡腹中陶

治而自生故螽曰蝻蝻皆蝗類故春秋記為災○趙氏曰左氏云幸其不為物害而書之按此類生訖便

為災如蠶食葉也為秋中之螽未息冬又生子重重

書耳

春秋饑歲多矣

據隱公再書螟桓公再大水又螽莊公三大水無麥苗大無麥禾僖公不

雨蝻大旱文公三書歷三時不雨又書于經者三而蝻成公大水哀公三書蝻皆不書饑

宣公獨有其二何也古者三年耕餘一年之畜

勅六反

九年耕餘三年之食雖有凶旱民無菜色是歲雖蝻蝻而遽至於饑者宣公為國務華去

上聲

實虛內事外

煩於朝會聘問賂遺

去聲

之末而不敦其本府庫竭矣

倉廩匱矣水旱蝻蝻天降饑饉亦無以振業貧乏矣

經所以獨兩書饑以示後世為國之不可不敦本也

張氏曰宣兩書饑一在大水之後一在蝻蝻之後甚言國無蓄積而民無以生也家氏曰蝻生自一時而

言也飢自一
歲而言也

戊定王十
辰四年十有六年
晉景七齊頃六衛穆七蔡文十九
鄭襄十二曹宣二陳成六杞桓四

十四宋文十八秦桓
十二楚莊二十一
春王正月晉景人滅赤狄甲氏及

留吁
左傳晉士會帥師滅赤狄甲氏及留吁鐸辰獻狄
俘于王以黻冕命士會將中軍且為太傅杜氏曰

甲氏留吁赤狄之別種晉
既滅潞氏今又盡其遺黨

按左氏董是役者士會也上將去
聲主兵其稱人貶詞

也甲氏潞之餘種
上聲下同留吁其殘邑也
高氏曰書及者所以別二

族春秋於外域攘斥之不使亂中夏則止矣伯禽征

徐夷東郊既開而止

費誓序徐夷並興東郊不開

宣王伐玁狁

音狁

至于太原而止

詩六月薄伐玁狁至于太原武侯征注逐出之而已不窮追也

武侯征

戎瀘服其渠帥而止

蜀志諸葛亮傳亮南征馬謖曰若殄盡遺類非仁者之情也願

公服其心而已五月渡瀘至南中斬雍闓聞孟獲為夷漢所服募生致之既得七縱七擒獲曰公天威也南人不復反必欲盡殄滅之無遺種

盤庚殄滅豈仁矣遂平四郡之無遺育

人之心王者之事乎士會所以貶而稱人也

晉滅潞家氏曰

氏則曰討有罪也既滅之矣而復用師不已是必欲窮極其黨類盡夷滅之而後已夫豈仁人之所忍為故書人以貶之楚人圍宋坐視不救諉曰鞭長不及馬腹今滅潞氏又滅甲氏留吁可已而不已志存乎

逐利而不能赴人之急謂諸侯何張氏曰晉自不得志於楚而一意用武於狄兼并其地會書人深貶之也薛氏曰橫函之會未幾而三滅狄大無信也

夏成周定宣榭火

榭公作謝火公穀作史左傳人火之也凡火人火曰火天火曰災公羊傳

成周者東周也宣榭者宣宮之榭也何以書記災也

成周天子之東都

杜氏曰成周洛陽何氏曰天下所名為東周名為成周者本成王所

定宣榭宣王之廟也按呂大臨

藍田人字與考古圖叔程門高弟

有邠

皮變反

敦

音對者稱王格也至于宣榭呼內史策命邠

邠敦之銘曰邠拜稽首敢對揚休命用作朕皇考龔伯尊敦邠其眉壽萬年無疆是知宣榭

者宣王之廟也

何氏曰周宣王之廟也至此不毀者有中興之功

古者爵有

德祿有功必於太廟示不敢專也

書甘誓用命賞于祖

榘者射

堂之制其堂無室以便射事故凡無室者皆謂之榘

爾雅室有東西廂曰廟無東西廂有室曰寢無室曰榘謂屋歇前

宣王之廟謂之榘

者其廟制如榘也

通音月令疏但有

宣榘火何以書

以宗廟之重書之也

愚按書外災者五皆以國書蓋災及於宗廟朝市而非一處也

獨此書宣榘以天子宗廟之重紀之也以責王室不謹于火備雖人火焚之而弗能救忽慢先祖之罪著

矣貴戚擅殺大臣而天子不討王室不復

扶又能中

興矣人火之天所以見戒乎

董仲舒劉向謂王札子殺召伯毛伯天子不能

誅天戒之○劉氏曰公羊云外災不書何以書新周也非也穀梁云周災不志亦非也宋災猶志況周災乎來告則書爾高郵孫氏曰公穀皆云樂器之所藏謝藏樂器則何獨名宣乎愚按啖氏謂宣王廟當在王城然成周乃王城下都之總名分言之則澗水東澠水西為王城都邑在焉澠水東下都為成周商民居焉合言之則總曰成周故洛誥多士序言往營成周成周既成是也或謂原廟始於漢東周未應立宣王廟然詩稱于周受命自召祖命書稱王在新邑烝祭文王武王則洛邑岐周鎬京皆有廟矣先王立廟蓋有故也杜氏以為宣王講武屋外傳亦云榭不過講軍實竊疑宣王南征北伐講武于此遂以為廟故其制如榭與宗廟不同張氏亦謂宣王復會諸侯于東都因存其廟古者祖有功故不毀是也二傳謂樂

器存焉非也周官守祧掌守先王先公之廟祧其遺衣服藏焉未聞藏樂也况榭既無室何以藏樂器乎

秋鄭伯姬來歸

按左氏鄭伯姬來歸出也啖氏曰內女見出皆書來歸大其事也范氏曰為夫

家所遣高氏曰不能事舅姑為夫所出見棄而歸也內女出書之策者男女居

室人之大倫也婚姻之禮廢則夫婦之道苦淫辟音僻

之罪多矣見經解復扶又反相棄背音喪去聲其配耦見小序

氓之詩所以刺衛朱子傳淫婦為人所棄而自叙其事以道其悔恨之意也日以

衰薄室家相棄見小序中谷有推吐雷反所以閔周朱子傳幽

年飢饉室家相棄婦人覽物易叙咸恒為下經首程

起興而自述其悲嘆之辭也

傳夫婦人倫之始所以以下經首咸繼以恒男女交春

合而成夫婦故咸與恒皆二體合為夫婦之義

秋內女出夫人歸凡男女之際詳書于策所以正人

倫之本也其旨微矣

趙氏曰為婦而出著其非也呂氏曰婦人既嫁而出人道之大

者故書之薛氏曰參譏之也家氏曰女生而願為有家故嫁者謂之歸人道之常也見出而曰來歸著其

變也臨川吳氏曰常事不書故歸鄭不書愚按春秋書鄭伯姬杞叔姬來歸所以譏父母之訓育弗至致

內女之婦德有虧而亦責鄭杞之君失齊家之道而棄其伉儷也然杞叔姬書卒書杞伯逆其喪歸則叔

姬之出必有不當絕者而鄭伯姬不書卒不書喪歸則出者與出之者其罪皆著矣

冬大有年

穀梁傳五穀皆熟為大有年

程氏曰大有年記異也旱乾

音干

水溢饑饉荐臻者災

也山崩地震彗孛

音佩

飛流者異也景星甘露醴泉芝

草百穀順成者祥也大有年上瑞矣何以為記異乎

凡災異慶祥皆人為所感而天以其類應

去聲

之者也

人事順於下則天氣和於上宣公弑立逆理亂倫水

旱螽蟥饑饉之變相繼而作

七年大旱十年大水六年螽十三年又螽十五年

年螽又蟥生十年飢十五年大飢

史不絕書宜也獨於是冬乃大有

年所以為異乎

高郵孫氏曰大者非常之辭有者不宜有也春秋書有年皆在桓宣之時

聖人之意可知矣張氏曰宣公奪嫡而立王誅不加而天災飢饉之禍屢降今年大有年亦所以記咎徵常多故曰記異也臨川吳氏曰宣公在位十六年天災荐臻今忽大有年所以為異也二百四十二年書有年者二豈得謂祥乎夫有年大有年一耳古史書之則為祥

仲尼筆之則為異此言外微旨非聖人莫能修之者

也愚按桓公有年之後遠狩于郎犯害民物宣公大有年之先履畝而稅重困農民二公得國於不義又不能修德以撫下戕虐國本恬不為憂春秋之書有年既以紀天時之反常又以憫魯國之民而幸其僅有年也不爾則人類滅矣

已定王十有七年

晉景八齊頃七衛穆八蔡文二十卒鄭襄十三曹宣三陳成七杞桓

四十五宋文十九秦桓十三楚莊二十二

春王正月庚子許男錫我卒

昭公也在

位三十年子甯嗣是為靈公

丁未蔡侯申卒

文公也在位二十年子固嗣是為靈公

○

夏葬許昭公葬蔡文公

日卒書名赴而得禮記之詳也

隱三年傳謹則書日慢則書時愚按如薛

伯定許男新臣許男成卒不書月

葬而不月其略在內

同上備則書日畧則書時

愚按如齊桓晉文葬皆書日

宣公為國務華而無忠信誠慤之心

計利而不知禮義邦交之實哀死送終獨厚於齊而

利害不切其身者皆闕如也大則薄其君親

三年使微者會

王莒

次則忽於盟主

九年晉成公卒不會葬

又其次若秦若衛

若滕雖來告訃怠于禮而不會也

四年秦伯稻卒九年滕子卒衛侯鄭

卒皆不比

毗志反

事以觀義自見

音現矣張氏曰春秋備

於事上交鄰之罪見矣

六月癸卯日有食之○己未公會晉侯

景

衛侯

穆

曹伯

宣邾子

定

同盟于斷道

斷音短左傳春晉侯使郤克徵會于齊齊頃公帷婦人使觀之

郤子登婦人笑于房獻子怒出而誓曰所不此報無能涉河獻子先歸使樂京廬待命于齊曰不得齊事無復

命矣。郤子至，請伐齊。晉侯弗許，請以其私屬。又弗許。齊侯使高固、晏弱、蔡朝、南郭偃會于斂孟。高固逃歸。夏，會于斷道。討貳也。盟于卷。楚辭、齊人執晏弱、蔡朝、南郭偃。晏桓子逸。穀梁傳：同者有同也。同外楚也。程子傳：諸國同心欲伐齊，故書同盟。杜氏曰：斷道，晉地。

書同盟者，志同欲也。

羊本公

大國率之，小國畏威而從。

命非同欲也。

如宋襄公盟于曹南

小國訴之，大國勉強上而應。

去焉非同欲也。

如莒人請盟于魯，公孫敖如莒泄盟。

若斷道之盟，諸侯

同心謀欲伐齊，釋其憤怒，非有不得已而要平之者。

也。愚按：魯衛曹邾皆迫于齊，故同有伐齊之心。而晉又欲討其貳，會逢其適，觀明年晉衛伐齊，又二年。

四國與齊戰韋則此盟為同謀伐齊可知或以為會矣韋戰邾人不與者國小不能以兵從也

同天子之事築宮為壇設方明如方嶽之盟故書同

劉氏曰同所以名盟焉耳非同時之謂也以周禮言之殷見曰同同者巡狩殷國也以儀禮言之則設方

明主日月而命事者同盟也觀禮諸侯觀于天子為宮方三百步四門壇十有二尋深四尺加方明于其

上方明者木也方四尺設六色六玉注方明者上下四方神明之象也會同而盟明神監之王巡狩至于

方嶽之下諸侯會之疑其說之誤矣愚按襄十八年亦為此宮以見之

講會禮豈亦行會同之禮傳紀楚公子罷戎與鄭人同盟于中分邾人鄉人徐人會宋公同盟于蟲初無

五等諸侯亦豈能用會同之制哉

秋公至自會

愚按宣公會盟兩書至黑壤之會事齊而不事晉危晉之見討而不得釋也斷道之

盟背齊而與晉謀伐齊危齊人之見討也宣自即位以來卑屈事齊惟恐獲戾末年遽有伐之意初乞師于

楚尋復求助于晉齊近於魯而遠借援○冬十有一月於大國以間朝夕之好岌岌乎其殆哉

壬午公弟叔肝卒

肝許乙反左傳公母弟也凡太子之母弟公在曰公子不在曰弟凡稱弟

皆母弟也穀梁傳其曰公弟叔肝賢之也其賢之何也宣弑而非之也非之則胡為不去也曰兄弟也何去而之與之財則曰我足矣織屨而食終身不食宣公之食君子以是為通恩也以取貴乎春秋

稱弟得弟道也

倭夫齊年鄭語宋辰秦鍼陳稱字賢光招衛黑背鮪稱弟不稱字

也許叔蔡叔蔡季紀何賢乎叔肝宣弑而非責之也

非之則胡為不去也兄弟無絕道故雖非之而不去

也與之財則曰我足矣終身不食宣公之祿君子以

是為通恩也論情可以明親親言義可以厲不軌

范本

氏所以取貴乎春秋書曰公弟而稱字以表之也

通旨

叔肝書弟明其得弟道比于衛鮒又足貴焉故特書

字以褒之有偏愛之私情則稱弟無親親之公義則

稱弟以先公之子而

公子為正大夫而書卒貴也不

為大夫而特書卒賢也

啖氏曰叔肝非卿卒而特書之嘉其行合於義曰公弟明

其得弟道也穀梁於鮒言合於春秋此言取貴於春

秋既合義又足貴也故書字以褒之孫氏曰不曰公

子公孫以見叔肝無祿而卒也王氏曰叔肝之生不
名于策書則非卿矣死不目為公子則未仕矣變文
曰公弟合名與字卒之或以為叔肝寵弟在宣公有
者知其賢而得書也

私親之愛故生而賜氏俾世其卿與季友仲遂比則
其說誤矣誠使叔肝有寵生而賜氏則是貴戚用事

之卿豈有不見

音現下同

於經者齊年鄭語在外之見於

經者

齊年兩來聘鄭語來盟

季友仲遂在內之見於經者

季友莊公

弟二十五年書如陳二十七年書如陳葬原仲仲遂
僖公弟二十六年書如楚乞師二十七年書師師入

杞二十八年書如齊三十年書如京師如晉勢必與
三十一年書如晉三十三年書師師伐邾

音預聞政事執國命矣况宣公之時煩於聘問會朝

之禮遂蔑季孫歸父交於鄰國衆矣

遂三如齊蔑如京師會齊高固

行父再如齊歸父亦再如齊一如晉伐而獨叔肝不

邾取繹會齊伐莒會齊侯又會楚子

與焉其非生而賜氏俾世其卿亦明矣

劉氏曰叔肝不仕宣公則

非大夫非大夫而書于春秋以叔肝之義則固可以

為大夫矣見公弟之重者所以非宣公之弑也舉叔

肝之字者所以知其人之賢也肝非賢則不得字字

而不稱弟則與季友仲遂亂故見其重而後賢之此

春秋之舉逸民也逸民七人不同操然而不降其志

不辱其身身中清廢中權叔肝兼之矣陳氏曰公弟

者何非見大夫也非大夫而卒賢之者賢之所以惡

宣公也凡先君之子稱公子有謂稱弟是故宋地辰

兄弟也一篇之間譏稱宋公之弟辰無譏則從其恒
稱為公子地陳公子招一人也譏稱陳侯之弟招無
譏則從其恒稱為公子招故不弟稱弟不友稱弟傳
曰陳侯之弟招殺陳世子偃師罪在招也秦伯之弟
鍼出奔晉罪秦伯也叔肝稱弟惡宣公也愚按成二
年書公孫嬰齊帥師自是終春秋之世世為大夫蓋
叔肝辭祿不受而宣公以母
弟懿親命其子為大夫也

庚定王十有八年晉景九齊頃八衛穆九蔡景公固
元年鄭襄十四曹宣四陳成八杞

桓四十六宋文二十秦春晉侯景衛穆世子臧伐齊頃
桓十四楚莊二十三卒

左傳晉侯衛太子臧伐齊至于陽穀齊侯會晉侯盟
于緡以公子疆為質于晉晉師還蔡朝南郭偃逃歸

保國以禮為本者也齊頃音公不謹於禮謂婦人自
笑辱

已致寇所謂國必自伐而後人伐之矣

本孟子

諸侯上

卿皆執國命取必於其君以行其克伐怨欲之私故

盟于斷道師于陽穀大戰于鞏

音安

逞其志而後止春

秋詳書于策見伐與伐者之罪皆可以為鑒矣

愚按齊自

崔泉以來不與于晉之會盟而恃其强大侵暴小國
是以晉景欲振奕世之伯業始則君率衛以伐齊繼
而正卿舉合境之兵偕魯衛曹以戰齊蓋非專以婦
人笑客之故也薛氏曰齊不與於諸侯之會而伐之
也書衛世子代父掌兵非子道也臨川

吳氏曰會朝與伐國皆非世子之所宜也

公伐杞

桓高氏曰杞自文十六年來朝而不復至故伐之已不修德而欲人朝已亦不思之甚矣徐氏

曰公伐莒萊邾杞凡近魯小國無不被伐公之惡也○夏也悉矣陳氏曰自是內不書君將征伐在大夫矣

四月○秋七月邾定人戕鄆子于鄆戕音牆鄆方陵反左傳凡自內虐其

君曰戕自外曰戕公羊傳戕者殘賊而殺之也穀梁傳戕猶殘也扼殺也

戕者殘賊而殺之也于鄆者刺臣子不能救君難去聲

也何氏曰刺鄆無守備范氏曰惡其臣子不能拒難夷貉音麥無城郭宮室百

官有司單車使去聲者直造去聲其廬帳虜其首慈秋反長

聲者則有之矣前漢昭元鳳四年遣平樂監傅介子使樓蘭詐誘其王安歸斬之中

國則重聲平門擊柝音託見大傳廉陞等威本賈誼策侍衛守禦

之嚴矣至於坐使其君為邾人殘賊殺之而莫禦乎

邾人蓋嘗執鄆子用之

孫氏曰僖十九年邾人執鄆子用之天子不能誅故此肆然

復戕鄆子

則不共戴天之世讐也既不能復又使邾

人得造其國都而戕殺其君曰于鄆者所以深責鄆

之臣子至此極也

何氏曰支解節斷之故變殺言戕杜氏曰弑戕皆殺也弑者積微而

起所以相測量非一朝一夕戕者卒暴之名薛氏曰戕者殺異國之君也邾力足以加鄆而屢無道於鄆

則魯以強大加邾蓋出乎爾者也愚按邾稱人蓋邾子而貶之也使果微者則當書曰盜殺鄆子其今曰

邾人則為邾子明矣邾文公用鄆子邾定公戕鄆子皆黜稱人惡其夾世克虐滅人理而悖天常也蔡靈

蔡昭見殺則錄其名而節之
二君不名蓋無罪而受禍爾

甲戌楚子旅卒

旅穀作呂楚始書卒莊王也在位二十三年子共王審嗣公羊傳何以不書葬

吳楚之君不書葬辟其號也

楚僭稱王降而稱子者是仲尼筆之也

魯史必書楚某王卒聖人

革其僭號故曰楚子某卒

其不書葬者恐民之惑而避其號也是

仲尼削之也

坊記春秋不稱楚越之王喪恐民之惑也杜氏曰吳楚之葬僭而不典故絕而

不書同之夷蠻以懲求名之偽若楚若吳若徐皆自王降而稱子史

世家周夷王之時王室微熊渠甚得江漢間民和熊渠立為王厲王暴虐熊渠畏其伐去王號十一世至

熊達伐隨令請王室尊為王王室不聽乃自立為武
王吳世家至壽夢始大稱王外紀徐夷作亂穆王分
東方諸侯命徐子主之得朱弓朱矢以為天瑞自號
偃王陸地而朝三十六國愚按楚至僖二十一年成
王會孟始書子至莊王始書卒吳至襄十二年若滕
壽夢始書子書卒徐至昭四年駒王章禹書子若滕
自侯降而稱子隱七年書侯桓二年以後書子若杞自伯降而稱子

莊二十七年書伯
僖二十三年書子

四夷雖大皆曰子

曲禮注九州之外長雖有侯伯

之地本爵亦無過子

其降而稱子者狄之也或謂春秋不擅進

退諸侯亂名實

劉氏意林

則非矣述天理正人倫此名實

所由定也奚名為亂哉

愚按朱子綱目於七雄稱王皆書曰某君漢以後僭國稱

帝者皆書曰某主蓋取法于春秋吳楚書子之義也然吳楚稱子特從天子所封之本爵而黜其僭號也後世僭國非有朝廷封爵而自稱皇帝故但曰某主耳高氏曰前此不書楚子之卒者外楚人也此書之者以楚入為中國之害甚於前日中國不能自正乃與楚人相為朝聘相與盟誓相通問好故自此詳志也其卒

公孫歸父如晉景

宣公因齊得國故刻意事之雖易世猶未怠也及頃

音公不能謹禮怒晉魯上卿穀梁傳季孫行父禿晉卻克眇衛孫良夫跛曹

公子手倭同時而聘于齊齊使禿者御禿者使眇者御眇者使跛者御跛者使倭者御倭者蕭同姪子處

欽定四庫全書

春秋胡傳附錄纂疏

臺上而笑之聞於客客不說而去相與立胥間而語
移日不解齊人有知之者曰齊之患必自此始矣

而卻

音陳

克當國決策討之晉方強盛齊少懦矣於是

背

音佩下同

齊而事晉其於邦交以利為向背無忠信誠

慤之心者也按左氏歸父欲去

上聲下同

三桓以張公室

與公謀而聘於晉欲以晉人去之夫輕於背與國易

於謀大家而不知其本未有能成而無悔也然則公

室不可張乎務引其君當道

本孟子

正心以正朝廷

董本

子禮樂刑政自己出也其庶幾乎必欲倚外援去以

去聲

去之是去疥瘍

音陽

而得腹心之疾也庸愈哉

吳語越之在吳

猶人之有腹心之疾也夫齊魯譬諸疾疥癬也家氏曰歸父為宣公謀去三家以張公室其心雖未可知其事未見非正而謀之不臧乃欲因大國之力鋤而去之豈不思晉之諸卿自趙盾秉權而後怙黨植私漸至不制魯宣欲去強宗夫豈晉卿之所願哉宜其謀之不遂也

冬十月壬戌公薨于路寢

穀梁傳正寢也愚按桓公弒立則薨于齊宣公亦弒立而

獲正終然魯君自是失政

歸父還自晉至莒遂奔齊

莒公莒

而三家強盛不復可制矣穀作檉左傳季文子言于朝曰使我殺適立庶以失大援者仲也夫臧宣叔怒曰當其時不能治也後之人何罪子欲去之許請去之遂逐東門氏子家還及莒壇帷復命于介既復命袒括髮即位哭三踊而出遂奔齊書

曰歸父還自晉善之也
公羊傳還者善辭也

仲尼稱孟莊子之孝其不改父之臣與父之政是難

能也

朱子語人固有用父之臣者然稍拂他私意便自容不得

又曰三年無改於

父之道可謂孝矣

尹氏曰三年無改者孝子之心有所不忍故也

夫仁人孝

子於其父之臣非有大不可如晉悼公於夷羊五之

屬

成十八悼公即位遂不臣屬者七人注夷羊五之屬

必存始終進退之禮而

不遽也歸父以君命出使

去聲下同

未反而君薨在聘禮

有執圭復命于殯之文升自西階子臣皆哭情亦戚

矣

儀禮聘禮篇君若薨而後歸執圭復命于殯升自西階不升堂子即位不哭辯復命如聘子臣皆哭

出袒括髮入門右即位踊今宣公猶未殯而東門氏逐忍乎哉書曰

歸父還自晉者已畢事之詞也

本陸氏杜氏曰大夫還不書春秋之常也

今書歸父還奔善其能以禮退通旨出使而反或曰復或曰還復者事未畢還者事已畢之詞也歸父受命而聘晉雖已至于晉而反矣然而未復命于殯則不可謂已終事也歸父欲入而復命則必見殺見殺則增君之惡其出奔賢于入也況又壇帷復命于介袒括髮即位哭三踊而出不失禮乎曰還曰至以終事之辭免

歸父也

至笙遂奔齊者罪成公君臣死君而忘父

逐之亟也穀梁子曰捐

以全

殯而奔其父之使者是

亦奔父也

范氏曰歸父奉父命未反而逐之是與親奔父無異

得經意矣君

薨家遣方寸宜亦亂而造

去聲

次顛沛不失禮焉非

志於仁者弗能也詞繁而不殺

所賣反

歸父之善自著

矣

何氏曰善其不以家見逐怨懟成踊

比反

志事以

觀則見當國者有無君之心此春秋所以作不可不

察也

高氏曰夫先君未殯而逐其臣是死其君而忘其父也歸父既畢使事盡哀而奔是知死亡之

不免而能不失度於顛沛造次之時異乎他大夫之奔矣雖然人臣之正受命而出雖君薨猶當致命于殯前若其有罪待命于新君可也今歸父還未及魯境遽即奔齊則有惡于新君矣家氏曰季氏不以君

薨為戚肆出悖言追仇既往首逐其腹心用事之臣
此時此心犯上作亂何所不為春秋於公薨之後繼
書歸父奔齊所以著季氏不臣之跡其旨微矣自茲
以往政在強家魯君不復能君禍端亂本實肇於此
彼篡人之國季氏亦竊其國出爾反爾尚復誰尤春
秋書之所以致亂賊之討垂將來之戒云愚按公孫
敖如京師不至而復丙戌奔莒則壅君命而廢使事
者也歸父如晉還自晉至莒遂奔齊則能達君命而
畢使事者也然楚箴尹克黃使於齊還及宋聞若敖
氏既滅其人曰不可以入矣箴尹曰棄君之命獨誰
受之君天也天可逃乎遂歸復命而自拘于司敗歸
父苟能不避斧鉞之誅而歸復命於殞斯為盡人臣
之職矣

春秋胡傳附錄纂疏卷十八

欽定四庫全書

經部

春秋胡傳附錄纂疏卷十九

詳校官監察御史^臣查善長

給事中^臣溫常綬覆勘

總校官進士^臣繆琪

校對官中書^臣李葵

謄錄監生^臣官懋斌

欽定四庫全書

春秋胡傳附錄纂疏卷十九

元 汪克寬 撰

成公上

公名黑肱宣公子母穆姜在位一十八年夫人齊姜

辛定王十
未七年 元年 晉景十年齊頃九年衛穆十年蔡景二年鄭襄十五年曹宣五年陳成九年杞

桓四十七年宋文二十一年
秦桓十五年楚共王審元年 春王正月公即位 張氏曰雖無王

命而有父命故書即位傳例承國於先君則得書即位以別於內復無所承者 ○二月辛酉葬

我君宣公○無冰

寒極而無冰者常燠

於六反也

杜氏曰周二月今之十二月而無冰書冬溫京

房易傳當寒而溫倒常也

按洪範傳曰豫恒燠若此政事舒緩紀

綱縱弛之象

劉向五行傳

成公幼弱政在三家公室不張

其象已見

音現何氏曰成公幼少季孫行父專權而委任之所致

故當固

與涸同寒

凝閉也

陰沍

反

寒而常燠應

於證反

之古者日在北陸

而藏冰獻羔而啓朝之祿位賓食喪祭冰皆與焉

音預

昭四申

此亦燮調愆伏之一事也

永嘉呂氏曰陽氣之在天地間譬猶

火之著於物也故常有以解之十二月陽氣蘊伏銅而未發其盛在下則納冰於地中二月四陽作蟄蟲

起陽始用事則亦始啓冰而廟薦之四月陽氣畢達
陰氣將絕則冰於是大發食肉之祿老病喪浴冰無
不及故藏冰發冰所以節陽氣也今既寒而燠遂廢凌力證人之職

然策書所載皆經邦大訓人有微而不登其姓名微者

但書事有小而不記其本末內女嫁大夫不書歸大夫出不致卒不書葬

雨雹冰雪何以悉書七書不雨三書雨雹及無冰再書隕霜亦三書雨雪天人

一理也萬物一氣也觀於陰陽寒暑之變以察其消

息盈虛此制治去聲於未亂慎於微之意也每慎於微

然後王事備矣○啖氏曰穀梁云終時無冰則志此未終時而言無冰何也終無冰矣加

之寒之辭也按二月今之十二月舉此無冰則一時無冰可見矣若待終時乃書則今之正月豈可更言無冰乎

三月作丘甲

左傳為齊難故作丘甲杜氏曰譏重斂故書

作丘甲益兵也古者九夫為井四井為邑四邑為丘四丘為甸甸地方八里旁加一里為成所取於民者

出長轂一乘

繩證反下同

此司馬法一成之賦也

前刑法志殷周

因井田而制軍賦地方一里為井四井為邑四邑為丘丘十六井也四丘為甸甸六十四井戎馬四匹兵車一乘甲士三人卒七十二人一同百里提封萬井定出賦六千四百井兵車百乘二封三百一十六里

提封十萬井定出賦六萬四千井兵車千乘周禮注
司馬法曰井十爲通通爲匹馬三十家士一人徒二
人通十爲成成百井三百家爲于偽齊難乃旦作丘
革車一乘士十人徒二十人爲反

甲益兵備敵重困農民非爲國之道其曰作者不宜
作也唐太宗問李靖楚廣古曠反與周制如何靖曰

周制一乘步卒七十二人甲士三人以二十五人爲

一甲凡三甲共七十五人見李衛公問對然則一丘所出十

有八人積四丘而具一乘耳今作丘甲者即丘出一

甲是一甸之中共百人爲兵矣孫氏曰謂丘出甲士一人古者九夫爲井

四井爲邑四邑爲丘出戎馬一匹牛三頭丘何甲士之有高郵孫氏曰是丘出一甲而甸出甲士四人也往者三人而今增則未知其所作者三甸而增一乘其一丘出一人焉

乎每乘而增一甲乎魯至昭公時嘗蒐于紅革車千

乘

昭八大蒐于紅自根牟至于商衛革車千乘

則計甸而增乘未可知也

楚人二廣之法一乘至用百有五十人

宣十二其君之戎分爲二

廣廣有一卒卒偏之兩注百人爲卒二十五人爲兩車十五乘爲大偏今廣十五乘亦用舊偏法復以二十五人爲兩則魯每乘而增一甲亦未可知也賦雖不同

其實皆爲益兵其數皆增三之一耳

通旨成公以前甸賦

車一乘每乘七十二人甲士三人凡二十五人爲一甲是四丘共出三甲爾今作丘甲即一丘出一甲其於賦增三分之一也杜征南最號知兵及釋先儒或此亦誤予因看李衛公論車乘法方曉此

言甲非人人之所能爲梁穀又以爲丘出甸賦加四倍

者杜誤矣

劉氏曰魯不務廣德而務廣力不務益義而務益兵以王者之制論之則作丘甲之

罪大矣王者之制諸侯不得擅賦其民擅稅其民稅爲足食也賦爲足兵也然而不得擅者先王之稅既足以食矣先王之賦既足以用矣今不循先王而以意爲準必亂之道也是以聖人禁之張氏曰每甲士統二十四人必無增甲士而不增步卒之理故知李靖所謂二十五人爲一甲者其考周制詳矣鄒陽萬氏曰四丘之甸共出甲士三人而成公使一丘出一甲士甲士之數既加則長轂牛馬步卒之賦率加其

四之一聖人惡其紊亂先王軍賦之制故書以譏之
愚按兵制之變始壞於齊之內政而家一人焉繼壞
於晉之州兵而家五人焉長勺之戰桓公自謂帶甲
十萬車五千乘楚遂啓疆謂晉十家九縣長轂九百
其餘四十縣遺守四千叔向亦謂寡君有甲車四千
乘則兵制之增益於古可知矣循襲效尤遂致魯以
東禮之國亦增丘甲而不以爲嫌也春秋之終且用
田賦軍旅之征而民力民財竭矣厥後楚之乘廣魏
之武士秦之戍卒窮兵極詐以快貪殘而孫吳商白
之徒皆身誅戮於前而國滅亡於後然兵農既分更
歷千載雖有明君賢臣不能復古抑可嘆哉春秋作
丘甲之書其垂戒後世意深切矣○劉氏曰公羊云
譏始丘使也何休云使丘民作甲非也穀梁云古者
農工皆有職以事上甲非人人之所能爲丘作甲非
正也亦非也若惡使農夫爲甲何不言井作甲邑作
甲農作甲而必云丘作甲乎丘民作甲井民獨不作

甲乎杜氏又云長轂一乘甲士步卒七十五人此甸所賦今魯使丘出之按丘者十六井爾甸乃六十四井使丘供甸賦是加四倍魯亦必不爲也且云丘甲不云丘乘

夏臧孫許及晉侯

景

盟于赤棘

左傳聞齊將出楚師夏盟于赤棘杜氏曰赤棘

晉地愚按今真定路趙州平棘縣

初宣公謀以晉人去

起呂反

三桓歸父爲

于僞反下同

是見

逐而奔齊矣今季孫當國

攝君事

恨齊人之立宣公納

歸父又懼晉侯之或見討也故往結此盟赤棘晉地

也其稱及魯所欲也盟非春秋所貴而惡

烏故反

屢盟

者非惟長

展兩反

亂亦國用民力所難給也成公即位

之初方經大故未有施舍

如字施恩惠舍勞役

已責

止逋責

逮鰥

寡

惠及微

救乏困之事也

成十八

晉悼公即位施舍已責逮鰥寡振廢滯匡乏困救

災患薄賦歛宥罪戾

為齊難

乃旦反

既作丘甲矣聞將出楚師

杜氏

曰與晉盟懼齊楚

又遠與晉尋盟豈固本保邦之道乎書及

晉侯盟于赤棘非特備齊懼晉蓋三桓懷忿懟

直類反

君父之心將有事于齊而汲汲欲之者罪可見矣

高氏

曰許曷為及晉侯盟齊怨成矣晉援不可緩也故汲汲焉求為此盟愚按自公孫敖會晉侯于戚而後季

孫行父會齊侯于陽穀公子遂及齊侯盟于鄆丘繼而公孫歸父會齊侯于穀會楚子于宋矣今也臧孫許及晉侯盟于赤棘以大夫盟霸主而不愧也昔也遂盟趙盾今也許盟晉侯益無忌憚矣春秋內大夫特盟外諸侯者五鄆丘赤棘拔句繹皆書及唯祿祥書會夫盟齊盟晉魯之汲汲可知于拔則定公之位未定如晉見卻故修好于鄆句繹則二卿取鄆田又脅邾子以盟之也故四盟皆魯之志也祿祥外爲志猶爲彼善於此爾家氏曰中世以後諸侯之大夫多自結於霸國魯之季氏衛之孫氏宋之華氏皆結於晉者也不特外交其君又以賄結其大夫故君常見踈於霸國臣反挾霸國之援以脅制其君亂亡所從始也故春秋深著人臣外交之戒

秋王定師敗績于茅戎

公穀作貿戎左傳晉侯使瑕嘉平戎于王單襄公如晉拜成劉

康公徵我將遂伐之叔服曰背盟而欺大國此必敗背盟不祥欺大國不義神人弗助將何以勝不聽遂伐茅戎敗績于徐吾氏公羊傳孰敗之貿戎敗之然則曷爲不言貿戎敗之王者無敵莫敢當也穀梁傳不言戰莫之敢敵也爲尊者諱敵不諱敗爲親者諱敗不諱敵尊尊親親之義也杜氏曰茅戎戎別種

程氏曰王師於諸侯不言敗諸侯不可敵王也於外

域不言戰外域不能抗王也

杜氏曰不言戰王者至尊天下莫之得校故以

自敗爲文不書敗地而書茅戎明爲茅戎所敗啖氏曰王師不書戰無敵也敗則但書敗而已人臣無敵君之不可敵不能抗者理也其敵其抗王道之失也

義也

並程

桓王伐鄭兵敗身傷而經不書敗存君臣之義

立天下之防也劉康公邀戎

邀左作徵杜氏曰欲要其無備康公王季子也

伐之敗績於徐吾氏

杜氏曰茅戎之別種也

而經不書戰辨中

外之分

去聲

立中國之防也

孫氏曰定王庸暗無宣王之烈王師為茅戎所敗惡

之大者故只書自敗所以存周也

是皆聖人筆削非魯史之舊文也

然筆於經者雖以尊君父外茅戎為義而君父所以

尊僭竊所以服則有道矣桓王不以討賊興師而急

於伐鄭康公不以惇信持國而輕於邀戎是失其所

以君天下禦四外之道也書敗績于茅戎者言自敗

也其自反亦至矣

陸氏曰王者之於天下也蓋之如天容之如地其有不庭之臣則告

諭之訓誨之如又不至則增修其德而問其罪故曰王者之師有征無戰今王師與夷狄爲敵此取敗之道非我所能敗也故以自敗爲文所以深譏王也薛氏曰不言茅戎敗之亦王者無敵於天下也無敵而爲戎敗故以自敗爲文也劉氏曰不言戰而言敗此王術也以謂天下莫之敢抗故不可言戰而有天下者一失其道則人能奪之故不恥言敗是以王者修已而不責於人也常山劉氏曰王者不能以義征四夷迺徼戎以致敗豈不曰自取之乎聖人立法以垂後世一書王師敗績于茅戎而尊王之義與王自取敗之道及諸侯不勤王之義咸得而見矣陳氏曰戰然後言敗績此不戰何以書敗績言自敗也凡王有事譏不在諸侯諸侯有事譏不在臣子如天王出居于鄭鄭棄其師皆以自致之文書之雖有敵國亦自

致也梁亡齊人殲于遂王師敗績于茅戎無敵國之辭也愚按桓王戰于繻葛諱不書敗而此不諱敗者茅戎正朔所不加可以言敗而天子於諸侯不可言敗此所以別中外之分也桓王不言敗而劉康公言敗又以正君臣之分也○啖氏曰公穀云晉敗之若晉敗王師而改曰貿戎是掩惡也如何懲勸乎

冬十月

壬定王十二年

晉景十一齊頃十衛穆十一卒蔡景三

申八年

二年

鄭襄十六曹宣六陳成十杞桓四十八

宋文二十二卒秦桓十六楚共二

春齊侯頃

伐我北鄙

左傳齊侯伐我北鄙圍龍三日

取之遂南侵及巢丘

初魯事齊謹甚雖易世而聘會不絕也及與晉侯盟

于斷

音短道宣十

而後怨隙成再盟于赤棘而後伐吾

北鄙

高氏曰魯絕齊而與晉盟齊遂即楚而伐我也

齊侯之興是役非義矣

魯人爲鞏

音安

之戰豈義乎同曰憤兵

漢書作忿兵

務相報

復而彼此皆無善者則亦不待貶而罪自見

音家現矣

曰此齊人爭魯於晉也前日魯宣專意事齊晉莫如之何也今魯人去齊而即晉亦棘朝盟齊師暮至書齊侯伐我所謂目其人而貶之也夫既辱晉使又以兵加於魯則其志在於與晉爲敵好戰而不度力其頃公之謂矣

夏四月丙戌衛

穆

孫良夫帥師及齊

頃

師戰于新築衛

師敗績

左傳衛侯使孫良夫石稷甯相向禽將侵齊與齊師遇石子欲還孫子不可戰于新築石成子

曰師敗矣子不少須衆懼盡新築人仲叔于奚救孫桓子桓子是以免杜氏曰新築鄭地

齊師侵虐而以衛主此戰何也衛侯初與晉同盟于

斷道矣又使世子臧與晉同伐齊矣又使孫良夫石

稷將侵齊矣及與齊師遇

蓋齊伐魯取龍乘勝又欲伐衛

石稷欲還

音良夫不可曰以師伐人遇其師而還將謂君何若

知不能則如無出今既遇矣不如戰也遂戰于新築

故齊師雖侵虐而此戰以衛主之也春秋善解紛貴

遠

于萬反

怨而惡

鳥故

以兵刃相接故書法如此

張氏曰易

曰師左次無咎凡戰而不能勝者聖人立全師愛民之法所以重民命而存國體也良夫不從石稷之言必進而戰致敗其師幾於喪身辱國此春秋所以罪良夫而以之主新築之戰也陳氏曰衛書大夫帥師於是始大夫強也良夫世爲卿至林父出其君入于戚以叛是故孔達不言帥師必良夫而後言帥師

六月癸酉季孫行父臧孫許叔孫僑如公孫嬰齊帥師

會晉

景

郤克衛

穆

孫良夫曹

宣

公子首及齊侯

頃

戰于

鞏齊師敗績

郤去逆反

首公穀作手鞏音安左傳孫桓子還於新築不入遂如晉乞師臧宣叔亦

如晉乞師皆主郤獻子晉侯許之七百乘郤子請八百

乘許之郤克將中軍士燮佐上軍樂書將下軍韓厥爲

司馬以救魯衛臧宣叔逆晉師且道之季文子帥師會之師從齊師于莘至于靡笄之下齊侯使請戰對曰晉與魯衛兄弟也來告曰大國朝夕釋憾於敝邑之地寡君不忍使羣臣請於大國能進不能退君無所辱命齊侯曰大夫之許寡人之願也師陳于鞌齊侯曰余姑翦滅此而後朝食不介馬而馳之卻克傷於矢流血及屨未絕鼓音曰余病矣張侯曰師之耳目在吾旗鼓若之何其以病敗君之大事也櫜甲執兵固即死也病未及死吾子勉之左并轡右援枹而鼓馬逸不能止師從之齊師敗績逐之三周華不注韓厥從齊侯逢丑父與公易位將及華泉驂絙於木而止韓厥執繫馬前奉觴加璧以進曰寡君使羣臣爲魯衛請曰無令輿師陷入君地下臣不幸屬當戎行無所逃隱且懼奔辟而忝兩君臣辱戎士敢告不敏丑父使公下如華泉取飲鄭周父御佐車宛伐爲右載齊侯以免杜氏

曰鞌齊地愚按今東平路平陰縣

大國三軍次國二軍

周禮大司馬凡制軍萬有二千五百人爲一軍王六軍大國三

軍次國二軍

小國一軍

魯雖大國而四卿並將

去聲下同

是四軍也

當此時舊制猶存尺地皆公室之土也一民皆公室

之兵也上卿行父與僑如嬰齊各帥一軍會戰而臧

孫許如晉乞師又逆晉師爲之道

音導

本不將兵特往

來晉魯兩軍之間預謀議耳成公初立主幼國危爲

于僞反下

爲詳同 季孫一怒掃境內興師而四卿並出肆其

憤欲

謂怒婦人之笑辱貪取汶陽之田

雖無人乎成公之側有不恤

也然後政自季氏出矣將稱元帥

所類反

略其副屬

章欲

反詞之體也而四卿皆書者豈特爲詳內錄哉堅冰

之戒亦明矣

何氏曰魯舉四大夫不舉重者惡內虛國家悉出用兵重錄內也通旨司馬懿

曰春秋任大責重諸葛武侯曰春秋責帥臣職是當故使舉上客而不及其介將稱元帥而不列其副春秋之例也邲之戰三軍之主將皆在而獨書林父者責在林父也此戰並列四卿不以季孫主之何也見公室卑弱四卿擅命各得魯國之兵權乎家氏曰魯諸卿俱帥師又見昭十年伐莒哀二年伐邾三家專兵丘甸卒乘悉爲所有其君孤立於上國益不可爲而春秋終矣戰肇乃魯卿擅兵之始也經之

大例受伐者爲主而此以四國及之者以一笑之微

殘民毒衆幾獲其君而怒猶未怠焚雍

於用反

門之次

侵車東至海故以四國主之爲憤兵之大戒見

音現諸

行事深切著明矣

董子曰頃公齊桓之孫霸主之餘業即位九年未嘗一與會同之事

有怒魯衛之志伐魯入其北郊伐衛敗之新築大國往聘慢而不敬晉魯俱怒合四國之衆大困之於鞏獲頃公斲丑父大辱身幾亡國爲天下笑齊氏曰鞏之戰齊有必勝之氣晉有不敵之勢而齊以驕輕取敗晉以必死致勝也張氏曰兵法爭恨小故不忍忿怒者謂之忿兵今晉爲盟主興師討齊非有救亂誅暴之名而起於卻克一怒之憤故春秋不以齊爲主見晉魯衛曹之大夫爲志乎是戰雖得一朝之勝不足道也陳氏曰凡帥非卿不書雖卿也非元帥亦不書書魯四卿是各自帥也自文季年而無使介至是

而無將佐魯三家之勢成矣曹無大夫書公子肯定
賞鞏之功於是六卿征伐在大夫不獨魯也以四
國之臣戰齊君甚矣愚按齊桓伐衛與衛人戰則先
書伐而後書戰此不書四國伐齊者以卻克志在釋
已私忿非能聲齊頃凌弱犯寡之罪而討之也然齊
自翟泉以來不與晉之會盟者踰四十年而袁婁以
後迨於悼公之終歷三十餘載無會之不同無役之
不與則亦以鞏之敗衄有以挫其氣而摧其強故耳
晉氏世霸合諸侯以加兵於齊者三鞏之戰雖能勝
齊然恃力而不能服之以義惟平陰之役合十有二
國之君以討其暴橫憑陵之惡故春秋書曰圍齊以
予之至于夷儀之會雖曰討之以義而徇於利不能
成討齊之功故春秋書同盟重丘以貶之也○啖氏
曰左氏言齊侯免求逢丑父三出三入晉軍按時齊
師大敗若三入晉必當見獲此近妄也趙氏曰公羊
云曹無大夫書公子首憂內也穀梁云以吾四大夫

在焉舉其貴也此尤近鄙春
秋豈黨內而專輕重於外乎

秋七月齊侯

項

使國佐如師己酉及國佐盟于袁婁

穀

爰婁左傳晉師從齊師入自立輿擊馬陘齊侯使賓媚
人賂以紀甌玉磬與地不可則聽客之所為賓媚人致
賂晉人不可曰必以蕭同叔子為質而使齊之封內盡
東其畝對曰蕭同叔子非他寡君之母也若以匹敵則
亦晉君之母也吾子布大命於諸侯而曰必質其母是
以不孝令也先王驪理天下物土之宜而布其利故詩
曰我驪我理南東其畝今吾子驪理諸侯而曰盡東其
畝唯吾子戎車是利其無乃非先王之命也乎吾子惠
徵齊國之福不泯其社稷使繼舊好唯是先君之敝器
土地不敢愛子又不許請收合餘燼背城借一敝邑之
幸亦云從也況其不幸敢不唯命是聽魯衛諫曰齊疾
我矣其死亡者皆親暱也子若不許讎我必甚唯子則

又何求子得其國寶我亦得地而紆於難其榮多矣晉人許之對曰羣臣帥賦輿以爲魯衛請苟有以藉口而復於寡君敢不唯命是聽晉師及齊國佐盟于袁婁公羊傳曷爲不盟于師齊侯使國佐如師卻克曰與我紀侯之覲反魯衛之侵地使耕者東畝且以蕭同姪子爲質則吾舍子矣國佐曰與我紀侯之覲請諾反魯衛之侵地請諾使耕者東畝是則土齊也蕭同姪子者齊君之母也齊君之母猶晉君之母也不可揖而去之卻克眈魯衛之使使以其辭而爲之請然後許之逮于袁婁而與之盟穀梁傳鞏去國五百里爰婁去國五十里一戰縣地五百里焚雍門之茨侵車東至海君子聞之曰夫甚甚之辭焉張氏曰齊國治臨淄去洛陽東千八百里縣西有袁婁愚按今屬益都路臨淄縣之西

齊國佐如師與楚屈

居勿反

完

桓音

來一也然陘之役則

曰來盟于師盟于召音邵陵鞏之戰則曰及國佐盟于

袁婁何也荆楚暴橫

去聲

憑陵諸夏齊桓公仗義聲罪

致討威行江漢之上不待加兵而楚人帖服其書來

盟于師者楚人自服而求盟也盟于召陵者桓公退

舍禮與之盟也在春秋時斯爲善矣若夫袁婁則異

於是齊雖侵虐未若荆楚之暴也諸國大夫含憤積

怒欲雪一笑之恥至於殺人盈野非有擊強扶弱之

心國佐如師將以賂免非服之也

高氏曰國佐受成命於君而可否在

晉之大夫非服晉而往也直畏晉強賂晉而請盟爾
故不曰來盟而曰齊侯使如師師在齊境故書如

晉大夫又不以德命使齊人盡子忍東其畝而以蕭

同叔子爲質音置夫蕭同叔子齊君之母也則亦悖矣

由是國子不可請合如字又音閭餘燼似刃反背音僻城借一

欲於城下復借一戰揖而去之卻克使魯衛之使所吏反以其詞

爲于偽反之請何氏曰卻克恥傷其威故使魯衛大夫以國佐辭爲國佐請逮于袁

婁而與之盟何氏曰逮及也追及國佐于袁婁也則汲汲欲盟者晉也

故反以晉人及之求盟在楚故稱來及國佐于袁婁也若此類見曲直

之繩墨矣是故制敵莫如仗義天下莫大於理而強

有力不與

音預

焉亦可謂深切著明矣

劉氏曰郤克一戰勝齊反魯衛

之侵地功大矣人皆多郤子之能伸其意而春秋絀之爲其先力而後禮也張氏曰晉所以令齊者恃其戰勝強力而以非義令之故國佐得以正義直辭責之而晉人義不勝而辭屈故國佐之至與屈完之來初若不異然齊桓仲中國之大義而屈完情屈而不敵校故曰來盟于師盟于召陵見義在中國而彼自服以求盟也郤克挾主盟之勢以行其私憤一旦戰勝而以不義求多於齊反爲國佐以理折之而氣遂餒書曰齊侯使國佐如師言齊非有誠服之心也曰及國佐盟于袁婁言汲汲在晉齊不得已而盟也臨川吳氏曰楚服齊桓之義故使屈完來受盟于師其盟已前定也故書來盟桓公又退舍而與之盟盟于

召陵齊有禮矣齊師既敗于鞏使國佐來納幣以求成許不許在晉卻克其盟未前定也故書如師晉之義既不足以服齊之心故國佐徑去四國進師追及國佐近偪齊都而與盟袁婁此晉之無義又無禮也家氏曰召陵之師諸侯皆在兵力甚強而桓公乃能以不戰服楚退師而禮與之盟鞏之戰卻克既敗齊師極其兵力之所至迨於袁婁去國都五十里進師將及其城而強與之盟退而盟盟之以其禮也進而盟盟之以其力也春秋書來盟與及盟一字褒貶深切著明矣愚按齊桓末年公孫敖帥師及諸侯之大夫救徐征伐自大夫出矣而未嘗盟會也晉文末年翟泉之盟以諸侯之大夫上盟王子虎禮樂自大夫出矣而非征伐也今此魯以四卿帥師會霸國之上卿與衛曹之卿大夫敗齊侯于鞏又盟齊國佐于袁婁而禮樂征伐皆自大夫出矣厥後晉悼以復伯之賢首以諸侯之大夫圍彭城城虎牢盟陳袁僑征伐

盟會悉付之大夫而蕭魚之後凡役皆以大夫矣翟泉之大夫貶稱人此不勝貶則從同同也○劉氏曰公羊云君不行使乎大夫此其行使乎大夫何佚獲也非也夫兩國治戎將在軍君命有所不受其重且專可知矣行使何傷諸侯會晉師于棗林可言晉師不可言趙盾此言晉師足矣何以爲不行使大夫乎

八月壬午宋公鮑卒

文公也在位二十二年子固嗣是爲共公

○庚寅衛侯

速卒

速公作速穆公也在位十一年子臧嗣是爲定公

○取汶陽田

汶音問左傳使齊人

歸我汶陽之田公羊傳汶陽田者何鞏之賂也杜氏曰汶陽田汶水北地汶水出泰山萊蕪縣西入濟張氏曰漢志魯國汶鄉縣顏師古注即汶陽田今兗州泗水縣東南有汶陽故城愚按今屬濟寧路蓋非止一邑

汶陽之田本魯田也

僖元公賜季友汶陽之田成八年季文子曰汶陽之田敝邑之舊

也孫氏曰汶陽魯地也齊人侵之今復取之不言取之齊明本非齊地

取者得非其有

之稱不曰復而謂之取何也恃大國兵力一戰勝齊得其故壤而不請於天王以正疆理則取之不以其

道與得非其有奚異乎

詳見隱四年

然則宜柰何攷於建

邦土地之圖若在封域之中則先王所錫先祖所受

經界世守不可亂矣不然侵小得之

侵小如滅項取根牟之類

春

秋固有興滅國繼絕世之義必有處也魯在戰國時

地方五百里而孟氏語

魚據反

慎子曰如有王者作在

所損乎在所益乎

朱子注魯地之大皆并吞小國而得之有王者作則必在所損矣

經於復其故田而書取所損益亦可知矣

家氏曰取汶陽田與

取濟西田其事同故書法不異蓋濟西本魯田爲曹所侵晉人取以歸魯汶陽亦魯田爲齊所侵晉人命以歸魯皆魯侵疆也今而得歸春秋不以爲歸而以爲取爲其因霸國之力而得之也霸國復不稟命于王分正疆理而擅其予奪所以書取若此田非魯之舊疆必繫之於齊不直書取汶陽田矣石氏曰內取外邑皆曰取如取郕取防取訾婁外歸魯地皆曰歸如濟西龜陰及謹闡汶陽田魯地也齊人以歸于我當曰歸今而曰取者蓋因晉之力而取之也歸者其意也取者我也非其志也于後齊復事晉故八年使韓穿來言歸之于齊然此年齊歸我田書曰取八年齊取我田乃曰歸者取之自晉歸之自晉以見魯國

之命制於晉而已故雖我田也而不得偃然有其
猶寄爾故齊歸我田書曰取猶若取之於外也齊取
我田書曰歸猶若齊之所有也愚按趙氏云凡力得
之曰取齊歸汶陽而稱取言藉晉之力以復之而得
之之難也穀梁云歸易辭也齊取汶陽而
稱歸言奉晉之命以反之而失之之易也

冬楚

共

師鄭

襄

師侵衛

左傳宣公使如楚乞師欲以伐
齊莊王卒楚師不出既而用晉

師公即位受盟于晉會晉伐齊衛人不行使于楚亦受
盟于晉故楚令尹子重爲陽橋之役以救齊將起師子
重曰君弱羣臣不如先大夫師衆而後可乃悉師王卒
盡行楚師侵衛遂侵我師于蜀高氏曰鄭以中國從夷
狄而首伐衛喪是授戈與冠而攻其親戚
罪不勝誅矣列鄭于下所以深罪鄭也

十有一月公

會楚

共

公子嬰齊于蜀

楚書公子自嬰齊始左傳楚侵
及陽橋孟孫請往賂之以執斲

執鍼織紵皆百人公衡爲質以請盟楚人許平穀梁傳楚無大夫其曰公子何也嬰齊亢也杜氏曰蜀魯地秦

山博縣西北有蜀亭思按今東昌路博平縣

按左氏魯衛受盟于晉從於伐齊故楚爲陽橋之役

令尹子重曰師衆而後可於是王卒盡行二國

稱師著其衆也

隱五入邾傳稱師紀其用衆而

侵衛

則書侵我師于蜀致賂納質

音致

沒而不書非諱也

杜氏

曰公賂之而退故不書侵

書其重者

見公羊莊十年

則莫重乎其以中國

諸侯降班失列下與荆楚之大夫會也

家氏曰晉以魯衛大舉伐

齊可謂有德轍未及息遽爲此行書公會楚公子嬰齊著其從楚之罪以望國之君而屈於楚之公子魯之辱也春秋責之深不復爲之諱自楚人僭王其公子亦僭而稱王子久矣今書楚公子春秋革之也愚按莊二十八年傳稱王孫游王孫喜文元年傳稱王子職則知嬰齊不書王子者乃夫子之所革矣李孫行父爲國上卿當使其君尊榮其民免於侵陵之患而危辱至此特起於忿忤之政肆其褊心而不知

制之以禮也

書仲虺之誥以禮制心

書曰必有忍乃其有濟

見君

陳

懲忿窒慾德之修也

易損卦大象君子以懲忿窒慾大傳損德之修也

不

忤不求

詩雄雉篇行反

之善也

朱子曰若能不忤害不貪求則何爲不善乎

躬自厚而薄責於人遠

于萬反

怨之方也季孫忿忤弗

能懲也而辱逮君父不亦惜

七感反說文痛也

乎故春秋史

外傳心之要典也攷其行事深切著明於以反求諸

已則亦知戒矣

臨川吳氏曰楚用子重之謀以救齊為名加兵於魯衛魯納賂請平又約

諸國會盟公先往會嬰齊不沒嬰齊之氏名者欲見其挾衆威魯而以臣抗君也陳氏曰凡吾君會諸侯則有大夫得稱其大夫故洮書莒慶向書衛甯速苟無諸侯則不以大夫敵吾君故莒無大夫則曰莒人齊有大夫則曰齊大夫及高侯盟及處父盟始以大敵吾君矣皆不書公以是為齊晉之譏則諱公焉耳此其曰公會楚公子嬰齊是公自與嬰齊夷也于楚之會孟公後諸侯至於楚之圍宋公亦後諸侯至

魯猶重從楚也公與嬰齊夷楚何譏焉不足爲公諱焉爾是故自屈完以來楚大夫無氏族也而書公子自嬰齊始愚按公與外臣特相會二百四十二年唯此一書故錄楚大夫之氏名以見貶焉齊之盟沒公不書而楚書之隱其從夷之失也蜀之會書公不諱而楚大夫書氏名著其從夷之辱也會不書公子嬰齊則疑於楚子貶稱人而不見望國之君下夷於楚大夫盟不書楚人將恐天下後世以荆蠻之臣可以主中國之會盟而無惡而中國諸侯之卿大夫又可以雲合景從以服屬於荆蠻之臣而無貶也齊之盟春秋猶不忍書也蜀之會春秋不勝諱則詳紀之而具文見意耳

丙申公及楚

共

秦

桓

人宋

共

人陳

成

人衛

定

人鄭

襄

人齊

頃

人曹

宣

人邾

定

人薛

人

鄆人盟于蜀

左傳公及

楚公子嬰

及

嬰

齊蔡侯許男秦右大夫說宋華元陳公孫寧衛孫良夫鄭公子去疾及齊國之大夫盟于蜀鄉不書賈盟也於是乎畏晉而竊與楚盟故曰匱盟蔡侯許男不書乘楚車也謂之失位公羊傳此公子嬰齊也其稱人何得壹貶焉爾程子傳楚為強盛陵轢中國諸侯苟能保固疆圉要結鄰好豈有不能自存之理乃懼而服從與之盟約故皆稱人以見其衰弱責諸侯則魯可知矣杜氏曰齊在鄭下非鄉

盟而魯與

音預下與盟同

必先書公尊內也次書主盟者衆

所推也此書公及楚人則知主盟者楚也

李氏集義前此楚與

中國盟皆序諸國之下此序諸國之上欲見楚之主盟也愚按書及則內為志而非楚主盟也然魯之弱久矣豈能主諸國之盟哉前此僖公二十一年盟薄二十七年盟宋皆書公會諸侯不以楚主盟此書公

及亦不以楚主盟之辭也序楚於十國
之上而書及正其名而不沒其實也
公子嬰齊秦

右說

音悅

宋華

户化反

元陳公孫寧衛孫良夫鄭去

起呂反

疾皆國卿也何以稱人楚僭稱王春秋黜之不列中

國晉雖不競猶主夏盟諸侯苟能任仁賢修政事保

固疆圉要結鄰好同心擇義堅事晉室荆楚雖大何

畏焉今乃西向服從而與之盟不亦恥乎召陵城濮

之事故府可覆按也乃是之從亦爲不善擇矣經於

魯君盟會不信則諱公而不書

莊十六同盟幽

不臣則諱公

而不書

僖二十九年
盟翟泉

棄中國從域外則諱公而不書

盟齊

蜀之盟棄晉從楚書公不諱何也事同而既貶則從

同同

公羊莊四不可勝譏故將
壹譏而已其餘從同同

正始之義也從荆楚

而與盟既諱公於僖十九年齊之盟矣是以於此不

諱而人諸國之大夫以見

音現意也

愚按貶諸國之大
夫而稱人亦所以

人公也春秋盟會一書人者凡四盟齊盟蜀貶從夷
也盟翟泉譏慢王也會澶淵刺不討賊也其所以責
內賊外尊君父討亂賊之意切矣臨川吳氏曰嬰齊
於此盟降稱人而前會稱氏名者欲見楚人即公子
嬰齊也蔡許之君不書者以其為楚之車左車右降
在臣列同於楚臣劉氏曰盟于蜀是嬰齊也其以力

爲功薄於義而陋於禮與郤克一耳郤克不得稱諸侯之大夫故嬰齊亦不得以其名通也此文異而意等也項氏曰蜀之盟與隸林之師皆事之難言也隸林之師難以趙盾將諸侯也故先書趙盾之出師而後書諸侯之會晉師蜀之盟難以嬰齊主盟中國也故先書嬰齊之會而後書諸侯之微者盟蘇氏曰楚自城濮之敗不競於晉莊王雖入陳圍鄭及宋而未嘗合諸侯及蜀之盟諸侯從之者十一國晉不敢爭然其盟十一國也諸侯猶畏晉而竊與之盟其後四十年晉趙武楚屈建合諸侯于宋然後晉楚之從得交相見又八年靈王求諸侯于晉晉人許之然後諸侯悉從楚實蜀之盟啓之也○劉氏曰穀梁云會與盟同月則地會不地盟不同月則地會地盟此其地會地盟何以公之得其所申其事也非也會時一國盟時十一國此乃兩會也各自書地乃其理矣何申之有

癸定王十三年晉景十二齊頃十一衛定公臧元年蔡

酉九年景四鄭襄十七曹宣七陳成十一杞桓

四十九宋共公固元年秦桓十七楚共三春王正月公會晉侯景宋公共衛

侯定曹伯宣伐鄭襄

按左氏諸侯伐鄭討邲之役也邲音弼遂東侵鄭公子偃

帥師禦之覆伏兵也諸鄆反芒袁敗必邁反諸丘杜氏與鄭

丘輿皆鄭地晉偏軍爲鄭所敗夫討邲之役則復怨子小民非觀

釁也宣十二用師遂東侵則潛師掠境非以律也易

出以覆而敗諸則專用詐謀非正勝也李衛公問對

律兵法先正而

後奇先仁義度待洛而後權譎反彼參此皆無善也略而不紀勝

負微也晉侯稱爵而以伐書何也初爲是役必以鄭

之從楚也附南變擾中國

據從楚侵衛

則盟主有詞于伐

耳

高氏曰去冬之役鄭爲楚導而宋魯衛曹雖盟于蜀猶不敢背晉故罷盟而遂會晉伐鄭焉鄭罪當

討故春秋正諸國之爵以示義鄭敗晉游兵於丘輿使皇戌如楚獻捷終鄭襄公之身不復從晉矣家氏

曰伐鄭所以弱楚之黨所以尊中國魯宋衛去強盛之楚而從衰弱之晉以伐有罪之國是春秋之所嘉

也前之盟十有一國大夫一以人書抑狂楚也此四國僅從而書爵序晉爲首存晉霸也見春秋權衡衮

斧之嚴其輕重有不容少假者矣

宋衛未葬曷爲稱爵背

音殯越境

以吉禮從金革之事也

杜氏曰宋衛未葬而稱爵以接鄰國非禮也范氏曰自同

於正君故書公侯以譏之家氏曰春秋與宋衛之會晉伐鄭不與其純吉從戎也○愚按左傳云鄭皇戌如楚獻捷則曰覆曰敗皆指鄭而言非諸侯之敗鄭也經書伐而不書敗所以尊中國耳

辛亥葬衛穆公

穆公作繆高氏曰此見衛侯背殯出師不臨先君之喪王氏曰六月乃葬非禮

也

○二月公至自伐鄭

臨川吳氏曰雖未逾時伐鄭無功亦危之而致也

○甲

子新宮災三日哭

公羊傳新宮者宣公之宮也何以書記災也程子曰不曰宣宮主未遷也

廟災而哭禮也得禮為常事則何以書緹音鈞氏劉絢

呼縣反絢字質夫程子門人著春秋傳十二卷

曰新宮者宣宮也不曰宣宮

者神主未遷也知然者丹楹刻桷皆稱桓宮此不舉

諡故知其未遷也宮成而主未入遇災而哭何禮哉

宣公薨至是二十有八月

據宣公十八年十月薨

緩於遷主可

知矣言災則不恭之致亦自見

音現

矣此說據經爲合

或曰禮稱有焚其先人之室則三日哭

檀弓云云故

曰新宮火亦

三日哭注人燒其宗廟哭者哀精神之有虧傷愚按文定傳意與鄭氏異

新宮將以安神

主也雖未遷而哭不亦可乎曰先人之室蓋嘗寢於

斯食於斯會族屬於斯其居處笑語之所在皆可想

也祭義思其居處思其笑語事死如事生故有焚其室則哭之禮

也神主未遷而哭於人情何居音姬高氏曰君子於是乎知有天道也宣

公弑君篡立生不能誅死方立廟遽遇火災春秋志此示有天道故謹而日之○愚按公羊以謂不言宣

宮不忍言也穀梁謂迫近不敢稱諡然則莊公之世何以稱桓宮乎

乙亥葬宋文公

按左氏文公卒始厚葬用蜃炭益車馬始用殉重器備有柳

四阿棺有翰檜君子謂華元樂舉於是乎不臣考於經未有

以驗其厚也數其葬之月則信然矣天子七月諸侯

五月大夫三月士踰月以降殺

所賣反

遲速爲禮之節

不可亂也文公之卒國家安靖外無危難

乃旦反

曷爲

越禮踰時逮乎七月而後克襄事哉

高氏曰七月而葬天子之禮也

以葬月攷之知其僭禮

故知華元樂舉之棄君於惡而益其侈

左傳死又益其侈是棄君於惡也

無疑矣夫禮之厚薄稱

尺證反

人情

而爲之者也

坊記禮者因人之情而爲之節文荀子禮稱情而立文

宋公在殯

而離次出境從金革之事

正月會伐鄭

哀戚之情忘矣顧

欲厚葬其君親此非有所不忍於死者特欲誇耀淫

侈無知之人耳世衰道微禮法既壞無以制其侈心
至於秦漢之間窮竭民力以事丘隴其禍有不可勝

音言者

史秦始皇紀葬驪山以水銀爲百川江河大

徙藏滿之後宮無子者皆令從死令匠作機弩矢有穿近者輒射之工匠盡閉墓中春秋據事

直書而其失自見

音現

此類是也豈不爲永戒哉

夏公如晉

景左傳拜汶陽之田張氏曰汶陽之田特書曰取足以見疆場之令不出於王矣今爲取

田而往拜賜于霸國晉偃然受之而八年復使韓穿來言汶陽之田歸之于齊足見私情之納侮于晉也愚按

僖公取濟西田而使公子遂如晉拜賜已非正矣况以

成公取汶陽而躬朝于晉乎濟西汶陽魯之故田也以

爲霸國之私惠而聘之朝之見魯之不振也

○鄭襄公子去疾帥師伐許靈

去起呂反左傳許恃楚而不事鄭鄭子良伐許張氏曰晉方怒鄭之不服其爲國憂未有底止也乃怒許之不事已而使大夫動大衆以伐之見其興兵之不度德量力也高氏曰疲命於晉楚而以伐之君子以是惡鄭也

○公至自晉

宣公薨至是三年之喪畢矣宜入朝京師見音現天子

受王命

曲禮諸侯既葬見天子曰類見

然後歸而即政可也嗣守社

稷之重而不朝于周以拜汶陽田之故而往朝于晉

其行事亦悖矣此春秋所爲

于僞反

作也公行多不致

其書公至自晉何其至也必有以意也也家氏曰諸侯既除喪

而入見于王受黻冕之賜然後成其爲君自東遷此禮廢然亦未有除喪而入見大國以事王之禮而事大國者也宣公挾強齊之援弑君篡國凡可以諂齊而求悅者無不爲矣未除喪而會既除喪而朝今成公借援於晉率循宣公之舊其無王之罪大矣書如書至所以譏也愚按成公一經此年如晉明年再如晉十年又如晉十八年又如晉過於事天子之禮蓋當時諸侯知有霸者而不知有王不以爲異耳春秋莫不書至此事以觀義自著矣

秋叔孫僑如帥師圍棘

公羊傳棘者何汶陽之不服邑也其言圍之何不聽也杜氏曰

棘汶陽田之邑在濟北蛇丘縣張氏曰今兖州龔丘縣愚按今屬濟南路章丘縣

按左氏取汶陽之田棘不服故園之

趙氏曰凡內自國者皆叛邑

復故地而民不聽至於命上將

去聲

用大師環其邑而

攻之何也魯於是時初稅畝作丘甲稅役日益重矣

棘雖復歸故國所以不願爲之民也歟成公不知薄

稅歛

力驗反

輕力役修德政以來之而肆其兵力雖得

之亦必失之矣

何氏曰不先以文德來之而便以兵圍之欲與國外邑同罪劉氏曰不察

己之所以失而疾人之不我服強國之行若五伯之事則有之非王道也

大雩

成公之世大雩者二義見桓五年

○晉

景

卻克衛

定

孫良夫伐唐

咎如虜在良反公作將穀作牆咎音羔左傳晉卻克衛
孫良夫伐虜咎如討赤狄之餘焉虜咎如潰上失
民也杜氏曰虜咎如赤狄別種通旨經不書虜咎如潰
者晉常滅赤狄潞氏甲氏及留吁矣其餘黨散入虜咎
如又欲盡殄滅之非仁人之心也段紀明請滅羗種羗
雖滅漢亦亡後世豈嘗絕羗患哉虜咎如潰削而不書
聖人之情見矣惟不使之侵擾華夏斯止矣家氏曰克
與良夫得志於鞏不知自戢更爲此舉春秋書之誅善
戰也楚方躡藉中原晉人不務修明霸業圖其遠者大
者既滅潞氏又殄留吁以爲未快復興此役此逐利之
師春秋惡之屢書皆所以貶杜氏曰傳有虜咎如潰四
字以爲經闕非也春秋譏晉人用師之不戢豈以狄失
民而譏乎○冬十有一月晉侯景使荀庚來聘晉始衛侯定

使孫良夫來聘丙午及荀庚盟丁未及孫良夫盟

聘而遂盟

之於是始左傳晉侯使荀庚來聘且尋盟衛侯使孫良夫來聘且尋盟公問諸臧宣叔曰中行伯之於晉也其位在三孫子之於衛也位爲上卿將誰先對曰次國之上卿當大國之中中當其上下當其上大夫小國之上卿當大國之下卿中當其上大夫下當其下大夫上下如是古之制也衛在晉不得爲次國晉爲盟主其將先之丙午盟晉丁未盟衛公羊傳聘而言盟者尋舊盟也穀梁傳其日公也來聘而求盟不言及者以國與之也不言其人亦以國與之也不言求兩欲之也

劉敞曰諸侯有聘無盟聘禮也盟非禮也庚與良夫

不務引其君當道而生事專命

公羊遂生事也注專事之辭

爲非

禮不信以干先王之典故不繫於國以見

音現下同

其遂

事之辱非人臣之操

去聲本意林

此說然也其言及者公

與之盟而不言公見二卿之抗也盟者春秋所惡故

反下於惡之中又有惡焉者此類是矣

孫氏曰此公及庚良夫盟

也不書公者二子抗也二子來聘不能以信相親反要公以盟非抗而何故言聘言盟以惡之愚按因聘而遂盟者有五年庚良夫十一年晉卻鞮襄七年衛孫林父十五年宋向戌是也夫書曰使來聘則是其君之所使者來聘而已以人臣而專制以要盟所以皆書日以貶之也

鄭襄伐許

甲定王二
戌十年

四年

晉景十三齊頃十二衛定二蔡景五鄭襄十八卒曹宣八陳成十二杞桓五十

宋共二秦桓十八楚共四

春宋公

共

使華元來聘

華戶化反左傳通嗣君也杜氏曰共

公初即位故王氏曰宋入春秋未嘗聘魯文十一年公子遂雖往而宋不報也華元之來其為共公謀昏張本乎臨川吳氏曰晉衛三國相繼來聘

○三月壬申鄭伯

堅卒

堅公釋文作取襄公也在位十八年子費嗣是為悼公

○杞伯

桓

來朝

左傳歸叔

姬故也杜氏曰將出叔姬先修朝禮言其故

○夏四月甲寅臧孫許卒

文仲之子

宣叔也子紇嗣為大夫是為武仲

○公如晉

景左傳晉侯見公不敬季文子曰晉侯必不免張氏

曰晉景公勝齊而驕也高氏曰公連歲如晉者以嘗即楚故也愚按成公比年朝晉而取教忽之辱豈非禮愈繁而身愈卑徒自屈而已耳

○葬鄭襄公

喪未五月葬之速也太不懷也

○秋公至

自晉

左傳公至自晉欲求成于楚而叛晉季文子曰不可晉雖無道國大臣睦而邇於我諸侯聽焉未可

以貳史佚之志有之曰非我族類其心必異楚雖大非吾族也其肯字我乎公乃止家氏曰甚哉魯成中無所主逐變而屢遷也始與晉人連兵伐齊以有鞏之勝謂當與晉爲睦曾未幾日率先諸侯受盟于楚猶幸晉人之無討也去年如晉今年又如晉正所以救前日墮盟之過一不爲所禮又將叛而即夷春秋於魯成之從楚適晉備書

○冬城鄆

杜氏曰公欲叛晉故城而爲備任公輔曰魯西邑東郡廩丘東有鄆

城即西鄆張氏曰今濟南府鄆城縣家氏曰鄆有三莒之別邑亦曰鄆九年楚人入鄆是也魯自有二鄆文十二年城諸及鄆此東鄆莒魯所爭者也成十六年公待于鄆此西鄆今此所城也春秋譏魯人不務安靜而輕

於用民力鄆雖城何益哉

○鄭伯悼

伐許

靈左傳鄭公孫申帥師疆許田許人敗諸展彼鄭伯

伐許取鉏任泠敦之田程子傳稱鄭伯見其不復爲喪以吉禮從戎

前此鄭襄公伐許既狄之矣今悼公又伐許乃復扶

反稱爵何也喪未踰年以吉禮從金革之事則忘親

矣稱爵非美詞所以著其惡也

何氏曰未踰年君稱伯者樂成君位親自

伐許故如其意以著其惡家氏曰父所爲義已繼之爲孝父挾夷楚之援陵暴小國歲再用師其子繼世而不能改是之謂濟惡庸得爲孝乎不書子而書爵絕之於名教也

乙定王二十五年晉景十四齊頃十三衛定三蔡景六鄭悼公費元年曹宣九陳成十三杞

桓五十一宋共三秦桓十九楚共五春王正月杞叔姬來歸穀梁傳婦人

反曰來歸杜氏曰出也

前書杞伯來朝左氏以爲歸叔姬也

叔姬始嫁不見於經與鄭伯姬

同婚姻得禮常事不書

此書杞叔姬來歸則出也

家氏曰此與他悖義之出

者不同必叔姬自不安於杞或以疾而求歸非杞之絕之也故春秋書其逆喪歸葬無貶辭臨川吳氏曰僖三十一年杞伯姬爲其子求婦而僖公以次女叔姬與之歸爲杞桓公夫人至今四十四年夫婦年皆有妾子爲太子叔姬心不自安而願歸魯故叔姬既卒而杞桓復來春秋於內女其歸其出錄之詳者男逆其喪以歸也

女居室人之大倫也男子生而願爲

于僞反下爲之同

之有

室女子生而願爲之有家父母之心人皆有之

本孟子

而不能爲之擇家與室則夫婦之道苦淫僻之罪多

矣

本經解

王法所重人倫之本錄之詳也爲世戒也

按愚

鄭伯姬杞叔姬皆出而來歸然叔姬書卒書杞伯逆喪以歸而鄭伯姬來歸之後不復見於經則其善惡

優劣不可
以緊觀矣

仲孫蔑如宋

共左傳報華元也愚按蔑與華元交相聘問其情厚矣而明年蔑僑如逼於晉令遽

興侵宋之師朝王帛而暮干戈謹於邦交者固如是乎

○夏叔孫僑如會晉

景

荀

首于穀

首公作秀左傳晉荀首如齊逆女故宣伯餽諸穀杜氏曰穀齊地高氏曰荀首逆女而僑如往

饋之此之謂非禮之禮故以大夫會大夫書之愚按自
文十一年彭生會卻缺宣十五年蔑會高固自是大夫
會大夫率以爲常矣○梁山崩左傳梁山崩晉侯以傳召伯宗伯
捷之速也問其所曰絳人也問絳事焉曰梁山崩將召
伯宗謀之問將若之何曰山有朽壤而崩可若何國主
山川故山崩川竭君爲之不舉降服乘縵徹樂出次祝
幣史辭以禮焉其如此而已雖伯宗若之何伯宗請見
之不可遂以告而從之公羊傳梁山者何河上之山也
何以書記異也何異爾大也梁山崩壅河三日不流外
異不書此何以書爲天下記異也穀梁傳高者有崩道
也杜氏曰梁山在馮翊夏陽縣北張氏曰同州韓城縣
有禹貢梁山愚按
同州今屬奉元路

梁山韓國也詩奕

韓

曰奕奕梁山韓侯受命而謂之韓

奕者言奕然高大爲韓國之鎮也

朱子傳奕奕大也梁山韓之鎮也

後爲晉所滅而大夫韓氏以爲邑焉

春秋之初晉滅韓曲沃莊伯之

弟韓萬以爲采邑

書而不繫國者爲

于僞反

天下記異是以不

言晉也

據不言晉梁山崩高氏曰先王之制名山大川不以封梁山雖屬於韓而非諸侯正受封

之地故春秋書梁山崩而不繫之國者爲天下記異也是以不書晉夫國主山川豈特晉當之哉左

氏載絳人之語於禮文備矣而未記其實也夫降服

損盛服

乘縵

車無文

徹樂

悉八音

出次

舍於郊

祝幣

陳玉帛

史辭

自罪責

六者禮之文也古之遭變異而外爲此文者必

有恐懼修省之心主於內若成湯以六事檢身

荀子大畧

篇湯旱而禱曰政不節與民失職與宮室崇與婦謁盛與苞苴直行與讒夫昌與高宗克正厥

事

書高宗彤日祖己曰惟先格王正厥事注先格王之非心後正其所失之事

宣王側身

修行

下孟反

欲銷去

起呂反

之是也

詩序雲漢美宣王也宣王遇災而懼側身

修行欲銷去之天下喜於王化復行

徒舉其文而無實以先之何足以

弭災變乎夫國主山川至於崩竭當時諸侯未聞有

戒心而修德也故自是而後六十年間弑君十有四

亡國三十二

本何氏注愚按自此至昭十六年凡六十年經書弑君唯晉州蒲齊光衛剽吳

餘祭蔡固莒密州楚虔凡七滅國惟舒庸鄫萊偏陽
舒鳩賴陳蔡州來凡九耳故徐彥疏云註誤今考文
十一年敗狄于鹹何氏謂宣成以往弑君二十八亡
國四十證諸經亦不合抑并春秋所不書者言之如
穀梁三十其應於證反亦惜七感反矣春秋不明著其
四戰者歟

事應而事應具存其可忽諸

范氏曰山者陽位君之象也象君權壞家氏曰

穀梁具載伯尊所以告其君者以爲伯尊掠路人之
美以爲己能孔子聞之曰伯尊其無績乎攘善也其
實伯尊以道路鄙淺之言復之於君失懼定之意夫
子必無是言也春秋於沙鹿梁山二大異特筆而書
之以見天下之治亂中國之合離自是而始從其文
應變何足言哉是固天下之異而皆見於晉者周自
東遷賴伯者以存齊既衰獨有晉在而比歲以來君
庸臣貪貪坐隳霸業晉之削中國之憂也意舊史必書

晉梁山崩春秋削之實爲天下記異也。○劉氏曰穀梁云不日何也高者有崩道也何以書晉侯召伯尊云云傳意似云崩不當書以問伯尊故獨書也豈春秋意耶

秋大水

張氏曰山崩大水陰盛之徵

○冬十有一月己酉天王崩

定王

也在位二十一年子夷嗣位是爲簡王高氏曰不書葬罪諸侯之不會也

○十有二月己丑

公會晉侯

景侯

齊侯

頃侯

宋公

共侯

衛侯

定侯

鄭伯

悼侯

曹伯

宣侯

邾

子定

杞伯

桓侯

同盟于蟲牢

程子傳天王崩而會盟不廢書同見其皆不臣杜氏曰蟲

牢鄭地陳畱封丘縣北有祠

牢愚按封丘縣今屬汴梁路

書同見其皆不臣杜氏曰蟲

牢鄭地陳畱封丘縣北有祠

牢愚按封丘縣今屬汴梁路

書同見其皆不臣杜氏曰蟲

牢鄭地陳畱封丘縣北有祠

牢愚按封丘縣今屬汴梁路

書同見其皆不臣杜氏曰蟲

按左氏許靈公愬鄭伯于楚鄭伯如楚訟不勝歸而

請成于晉

鄭伯及晉趙同盟于垂棘

盟于蟲牢鄭服也

莊十六杜氏曰言同

盟服異也何氏曰約備強楚思按即穀梁所謂同外楚也鄭服則何以書同盟天

王崩赴告已及在諸侯之策矣以所聞先後而奔喪

禮也而九國諸侯會盟不廢故特書同盟以見其

音現

皆不臣春秋惡

烏路反下如字

盟誓於惡之中又有惡焉者

此類是也

孫氏曰天王崩晉合諸侯同蟲牢之盟不顧甚矣薛氏曰王崩而爲盟會無王之甚

也愚按是盟乃何休所謂同心爲惡惡必成者也蓋諸侯之同盟實有同外楚之心而不知悖於尊王之義天子之喪人道始終之大變諸侯相見揖讓入門而聞訃則不得終禮況已聞而猶相與會盟不亦無

人心乎春秋之諸侯不知有王故襄王方崩則晉魯之卿會盟王都之側而不奔喪簡王方崩而邾與晉衛脩朝聘於魯而不修弔事蓋將以是爲常而不知愧甚者靈王之討晉已達於天下而諸侯旅朝於荆楚且俟致襁執紼越歲踰時而後返而曾不遣一介行李問國恤於京師也吁可嘆哉

丙簡王六年

晉景十五齊頃十四衛定四蔡景七鄭悼二卒曹宣十陳成十四杞桓五十二宋共

四秦桓二十楚共六

春王正月公至自會

愚按二年會

吳子壽夢乘元年至者以望國之君屈於荆楚之大夫不可以告廟也此特書至者謂成公苟能自會如京師斬衰哭臨則亦庶幾亡於禮者之禮耳今也會同之後奄然歸國故書公至自會以著其無王不臣之罪也

○二月辛

巳立武宮

公羊傳武宮武公之宮也立者不宜立也立武宮非禮也穀梁傳立者不宜立也

武宮武公之宮立武宮非禮也喪事即遠有進而無

退

禮弓飯於牖下云云葬於墓所以即遠也故喪事有進而無退

宮廟即遠有毀而

無立

何氏曰過高祖不得復立廟大戴禮諸侯遷廟注親過高祖則毀廟而遞遷之故二昭

二穆與太祖而五者諸侯之廟制也

見王制朱子曰太祖始封之君

昭之北廟二世之君居之穆之北廟三世之君居之昭之南廟四世之君居之穆之南廟五世之君居之太祖之廟百世不遷餘四廟每一易世而一邊曰考廟曰王考廟曰皇考廟

皆有祭焉曰顯考廟曰祖考廟享嘗乃止去祖為壇

去壇為壇

音善

壇壇有禱則祭無禱乃止去壇為鬼諸

侯之祭法也

見祭法疏考廟者父廟考成也謂父有成德之美也王考廟者祖廟王君也言

祖有君成之德也祖尊於父故加君名也皇考廟者曾祖皇大也君也曾祖轉尊又加大君之稱也月祭之者月月祭之也顯考廟者高祖也顯明也高祖居四廟最上故以高祖言之祖考廟者祖始也是謂始祖廟也享嘗乃止享嘗四時祭祀不得月祭但四時祭而已封土曰壇除土曰壇去祖爲壇者謂高祖之父也其廟既毀藏主於祖考之廟中不得四時祭之若有祈禱則出就壇受祭也去壇爲壇者謂高祖之祖也其主亦藏祖考廟中若有祈禱則出就壇受祭不得在壇也高祖之父遷寄太祖而不得於太祖廟受時祭故曰去祖高祖之祖經在壇而今不得祭故云去壇去壇爲鬼若又有從壇遷來壇者則此前在壇者爲鬼雖有祈禱亦不得及
武公至是歷世十一
武公名敖乃伯禽之玄孫隱公

之高祖傳懿孝惠隱桓莊其毀已久而輒立焉范氏曰武

閔僖文宣成凡十有一君公之宮毀已久矣非即遠有終之意孝經示民有終故特書

曰立立者不宜立也常山劉氏曰王制曰云云祭法

制過則毀之不可復立也武宮之毀已久而輒立之
非禮明矣劉氏曰魯諸侯也僭天子之禮雖欲尊其
祖鬼神不享也而學者習於魯之故更大而稱之曰
魯公之廟文世室也武公之廟武世室也人之述固
久矣夫其以僭爲典也此春秋所由作也陳氏禮書
曰武公之於魯徇宣王立庶之非以階魯國政殺之
禍而豐功懿德不著於世自武至桓其廟已在可遷
之列成公立武宮昭公有事于武宮積世不毀故記
禮得以大之欲以比周之文武也張氏曰觀春秋之
書法與祭法之論廟制則武宮之立與煬宮同於失

禮違制斷爲可知明堂位之言其爲俗儒之論明矣甚矣其亂聖制而誤後學也愚按立武宮僭王制故書日以謹之論者因明堂位遂以武宮爲世室今考春秋所書太廟則周公之廟也所書世室則魯公之廟也羣公之廟則皆繫諡若武宮煬宮桓宮僖宮是也苟謂之世室則世世不毀矣矣待於成公而始立乎昭十五年有事于武宮不稱世室則其以武宮爲世室者妄也况煬宮乃武公之六世祖至昭公已二十世而桓宮則哀公之十世祖僖宮則哀公之七世祖皆當言世室也煬宮在武宮之上武宮稱世室煬宮獨不稱世室乎是知明堂位乃後世俗儒因魯僭禮而爲言春秋之時非有世室之名也然考成之十八年晉悼公朝于武宮昭之十七年當晉頃公之世而中行穆子獻俘于文宮晉武公至悼公文公至頃公皆已十世而其宮猶存則當時諸侯之廟親盡不毀者不特魯矣。啖氏曰左氏云季武子以鞏之功

立武宮非禮也聽於人以救其難不可以立武立武由已非由人也傳意以爲武軍之宮如楚子所立者非也若以鞏戰之故不應經五年方立之劉氏曰左傳誤以武宮爲武軍也

取鄆

鄆音專穀梁傳鄆國也

鄆微國也

杜氏曰附庸國孫氏曰恨年鄆鄆皆微國也

書取者滅之也滅

而書取爲

于偽反

君隱也

傳十七年傳凡大惡必隱避其辭而爲之諱

項亦

國也其書滅者以僖公在會季孫所爲

僖十七

故直書

其事而不隱此春秋尊君抑臣以辨上下謹於微之

意也人倫之際差之毫釐繆

眉救反

以千里

易大傳文

故仲

尼特立此義以示後世臣子使以道事君而無朋附

權臣之惡於傳

直戀反

有之犯上干主其罪可救乖忤

五故反

貴臣禍在不測

晉書王濬傳濬與王渾爭功表云云

故臣子多不

憚人主而畏權臣如漢谷永之徒直攻成帝不以爲

嫌至於王氏則周旋相比

毗志反

結爲死黨而人主不

之覺

前谷永傳日食地震永對內寵太盛謁行於內勢行於外灾異者皇天所以譴君過失時成帝

委政

元舅王鳳議者多歸咎焉永知鳳方柄用陰欲自託鳳遂厚之鳳卒音輔政永復說音任周召之職

又與譚書勸辭城門兵委曲媚悅前後所上四十餘事專攻上身與後宮而黨於王氏

此世世

之公患也歸父家遣緣李氏也

宣十八歸父欲去三桓及公薨李文子逐

東門氏

朝如吳出奔因無極也

昭十五楚費無極害朝吳之在蔡也譖之蔡人

逐朝

王章殺身忤王鳳也

前王章傳成帝時王鳳輔政王章以選為京兆尹雖

為鳳所舉非鳳專權日食章奏鳳不可任為鳳所陷下獄死

鄴侯寄館避元載也

通鑑唐代宗天歷五年元載專恣以李泌有寵於上忌之上畏載會觀察魏少游求參佐上謂泌曰載不

容卿朕今匿卿於少惟殺生在下而人主失其柄也游侯除載當報卿來

是以黨與衆多知有權臣而不知有君父矣使春秋

之義得行尊君抑臣以辨上下每謹於微豈有此患

乎

○愚按公羊於根牟鄭邾皆曰邾邑然春秋未有取他國之地而不係國者苟以諱亟而不繫邾則

僖公取須句訾婁可謂亟矣何以繫之邾耶劉氏辨之詳矣

衛孫良夫帥師侵宋

共左傳盟于蟲牢之歲諸侯謀復會宋公使向爲人辭以子靈之難

三月晉伯宗夏陽說衛孫良夫甯相鄭人伊雒之戎陸渾蠻氏侵宋以其辭會也家氏曰經惟書衛不與晉人率蠻夷而攻中國也去年冬宋實預蟲牢之盟今一辭會而遽加之以兵以爲未快復命魯人繼之前日楚莊圍宋歷三時之久國幾斃而晉不能救但曰鞭長不及馬腹今宋人辭會而伐之至再晉景惛愚諸大夫狼肆事多類此春秋聯書魯衛二侵責晉深矣傳見蔑僑如侵宋

○夏六月邾子來朝

蓋成公即位而始朝也

○公孫嬰齊如晉

景左傳子叔聲伯如晉命伐宋杜氏曰嬰齊叔

盱子思按二年三年公兩朝晉此年嬰齊行父又兩聘
晉魯仇齊而倚晉爲援故君臣亟行迭往事霸之勤而
不知慢王○壬申鄭伯費卒費音秘悼公也在位二年弟踰立是爲成公○

秋仲孫蔑叔孫僑如帥師侵宋共左傳孟獻子叔孫宣伯侵宋晉命也

魯遣二卿爲主將

去聲永嘉呂氏曰二卿並書與行父許僑如嬰齊四卿並書之意同

當是時大夫專擅各自帥師而公室微矣侵宋之事小而專權之患大動大衆焉有事

於宋而以侵書者潛師侵掠無名之意蓋陋之也於

衛孫良夫亦然上三年嘗會宋衛同伐鄭矣次年宋

使華元來聘通嗣君矣又次年魯使仲孫蔑報華元

矣是年冬鄭伯背

音

楚求成于晉而魯衛與宋又同

盟于蟲牢矣今而有事於宋上卿授鉞

李衛公問對古者出師命

將授之以鉞

大衆就行而師出無名可乎故特書侵以罪

之也左氏載此師晉命也後二年宋來納幣請伯姬

焉則此師爲

于僞反

晉而舉非魯志明矣兵戎有國之

重事邦交人道之大倫聽命於人不得已焉將能立

乎春秋所以罪之也

高氏曰使魯伐宋者雖晉之命而魯不以大義諭之遽爲興師

則罪專在魯矣故書曰侵責與衛良夫同

楚共公子嬰齊帥師伐鄭

成楚始書大夫將左傳楚子重伐鄭鄭從晉故也襄陵許

氏曰至是書楚卿帥師者霸統幾亡也

○冬季孫行父如晉

景左傳晉人去故絳遷于

新田李文子如晉賀遷也愚按經不書晉遷者凡書遷皆小國逼於強暴不得已而遷也晉人擇地利而徙都

也非不得已故不書遷耳

○晉

欒書帥師救鄭

成○救公作侵左傳晉欒書救鄭與

楚師過於繞角楚師還晉師遂侵蔡楚公子申公子成以申息之師救蔡禦諸桑隧趙同趙括欲戰武子將許之知莊子范文子韓獻子諫曰不可吾來救鄭楚師去我吾遂至於此是遷戮也戮而不已又怒楚師戰必不克雖克不令成師以出而敗楚之二縣何榮之有焉乃遂還於是軍帥之欲戰者衆或曰聖人與衆同欲子之佐十一人其不欲戰者三人而已武子曰善鈞從衆夫善衆之主也三卿為主可謂衆矣

荆楚僭號稱王聖人之所深惡而不赦者大一統以

存周使民

本誤作明

著於君臣之義也

文王世子衆著於君臣之義愚按外

傳云諸侯無二君而周無二王故春秋貶楚爲深所以使天下知一王之所以爲尊也

鄭能背

音楚即晉是改過遷善出幽谷而遷喬木也嬰齊爲

于僞反

是帥師又因其喪而伐之不義甚矣經所以深

惡烏故反

之也書卿帥師伐鄭於文無貶辭何以知其

深惡楚也下書欒武子帥師救鄭則知之矣凡書救

者未有不善之也而伐者之罪著矣按左氏晉楚遇

于桑隧

音遂

軍帥

所類反

之欲戰者八人武子遂還

音還下同

則無功也亦何善之有曰此春秋之所以善樂書也

兩軍相加兵刃既接折馘

占獲反

執俘計功受賞此非

仁人之心王者之事故舞干而苗格者舜也

書大禹謨舞干

羽於兩階七旬有苗格

因壘而崇降

戶江反

者文也

僖十九文王聞崇德亂而

伐之軍三旬而不降退修教而復伐之因壘而降

次于陘而屈

居勿反

完服者

齊桓也

傷四

會于蕭魚而鄭不叛者晉悼也

襄十

武子

之能不遷戮而知還也亦庶幾哉

愚按公羊作樂書侵鄭今考明年楚

復伐鄭而中國又救鄭則非侵鄭明矣然此書樂書帥師救鄭不二年又書樂書帥師伐鄭書救以著其恤與國之善書伐以著其虐與國之惡使晉能修其德政以懷鄭使之不叛助之守禦以保鄭而使之不至於叛則為盡善矣

丁簡王七年

晉景十六齊頃十五衛定五蔡景八鄭成公踰元年曹宣十一陳成十五杞桓五十

三宋共五秦桓二十
一楚共七吳壽夢二

春王正月鼪鼠食郊牛角改卜牛

鼪鼠又食其角乃免牛

鼪音奚穀梁傳免牲者為之緇衣纁裳有司玄端奉送至于南

郊免牛亦然免牲不曰不郊
免牛亦然杜氏曰免放也

穀梁子曰郊牛日展斛音球角而知傷展道盡矣其所

以備災之道不盡也

范氏曰有司展察牛而即知傷是展察之道盡不能防災禦患

致使牛傷故不書日以顯有司之過斛球球然角貌

改卜牛鼪鼠又食其角則

亡

與無同

乎人矣非人之所能也所以免有司之過也

范氏曰至此復食乃知國無賢君天災之爾非有司之過也何氏曰鼪鼠鼠中之微者祭天不愼鼪鼠食郊牛角書又食者重錄魯不覺寤重有災也說文鼪小鼠也孫炎曰有螫毒如鼠狼新安羅氏曰牛有力之畜何至爲鼪所食蓋將祭之犧皆繫於牢設福衡以制其角故鼪得以制之

有司免過即

變異也

宣三范氏曰非備災之道不至此實天變之異

其應

於證反

云何許翰

曰小害天下賊上食而又食三桓子孫相繼之象也

宣公有虞三桓之志至成始弗戒矣理或然也

劉向曰鼠

小蟲性盜竊鼯又其小者也牛大畜祭天尊物也角兵象在上君威也小小鼯鼠食至尊之牛角象季氏乃盜竊之人將執國命以傷君威而害周公之祀也改卜又食天重語之也家氏曰春秋於魯郊或譏失禮或以紀異宣三年成七年定十五年哀元年四書牛傷皆記異也

吳壽

伐鄭

吳始見經鄭音談左傳吳伐鄭鄭成季文子曰中國不振旅蠻夷入伐而莫之或恤無弔

者也夫杜氏曰吳國在吳郡張氏曰吳郡今平江府

稱國以伐外之也

外城君臣同辭止錄其號吳稱國而不繫君臣未同中夏也孫氏曰

惡其僭號外之也

吳本太伯之後以族屬言則周之伯父也

哀十二吳人曰何以外之爲于偽其僭天子之大號

也史吳世家太伯周太王之長子太王賢季歷欲立之太伯與弟仲雍犇荆蠻荆蠻義而歸之至壽夢

始大稱王愚按此年乃壽夢即位之二年今考吳語越人稱夫差皆曰天王則吳之僭王又非徐楚之比

矣按國語云命圭有命固曰吳伯不曰吳王吳語注命圭受

錫之策命吳本稱伯故曰吳太伯然則吳本伯爵也後雖益熾浸與

中國會盟進而書爵不過曰子亦不以本爵與之故

紀於禮書曰四夷雖大皆曰子見曲禮此春秋之法仲

尼之制也而以爲不敢擅進退諸侯亂名實者劉氏誤

矣

襄陵許氏曰吳自壽夢得申公巫臣而爲楚患夷狄相攻不志也伐郊之役兵連上國於是始見於

春秋志入州來志十五國之所以會鍾離也家氏曰郊太皞之後國雖小尚有典刑昭十七年郊子來朝聖人訪之以官名尚有取焉春秋書吳伐郊憫之也項氏曰楚初主盟于蜀而吳已伐郊入州來異時入郢之禍已兆於此矣

夏五月曹伯

宣

來朝

蓋成公嗣位而始來朝也

○不郊

范氏曰言免牲則不郊顯

矣言免牛亦不郊而經復書不郊蓋爲三望起杜氏曰間有事故書不郊

猶三望

吳郡朱長文

宋紹興間人著春秋通志二十卷

曰禮天子有四望

禮周

大宗伯旅上帝及四望小宗伯四望四瀆諸侯則祭境內山

川而已

王制諸侯祭名山
大川之在竟內者

魯當祭泰山泰山魯之境

也禮所得祭故不書三望僭天子禮是以書之其說

是矣楚子軫

昭王

言三代命祀祭不越望而曰江漢沮

漳

杜氏曰四水在楚界

楚之望非也

見哀六

楚始受封濱江之國

漢水沮漳豈其境內哉此亦據後世并兼封略言之

爾

愚按周文王封熊繹於楚蠻

以子男之田居丹陽今歸州有故丹陽城則楚本封濱江而土地甚狹

漢水在今漢陽沮水亦出漢中漳水在今漳州皆距丹陽甚遠必非楚始封之境故齊桓問昭王南征涉漢不復楚以昭王時漢非楚境不肯服罪然屈完言漢水以爲池藥枝言漢陽諸姬楚實盡之則春秋之

初漢水已在楚境內矣經書猶三望者三僖三十一
年書免牲而繫以猶三望不言不郊者免牲則知不
復郊矣宣三年書牛死乃不郊而繫以猶三望不言
免牲者牛死無牲可免故必言不郊此年既書免牛
又書不郊因間有吳曹二事不可但言猶三望故以
不郊起之也襄陵許氏曰用是知魯郊或以五月非
特定公也

秋楚

共

公子嬰齊帥師伐鄭

成

公會晉侯

景

齊侯

頃

宋

公共衛侯

定

曹伯

宣

莒子

渠

邾子

定

杞伯

桓

救鄭

成

八

月戊辰同盟于馬陵

左傳

鄭子良相成公以如晉見且

拜師楚子重伐鄭師于汜諸侯救

鄭鄭共仲侯羽軍楚師囚鄆公鍾儀獻諸晉同盟于馬

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

陵尋蟲牢之盟且莒服故也程子傳諸侯同心病楚杜

鄭鄭共仲侯羽軍楚師囚鄆公鍾儀獻諸晉同盟于馬
陵尋蟲牢之盟且莒服故也程子傳諸侯同心病楚杜

氏曰馬陵衛地陽平元成縣東南有地名馬陵莒本屬齊齊服故莒從之愚按元城縣今屬大名路

楚人軍旅數

色角反

起頻年伐鄭以其背

音佩下同

已而從

諸夏也

高氏曰去冬樂書救鄭而楚師還未得志於鄭故復伐之

與莊之欲討徵

舒而入陳亦異矣書大夫之名氏書帥師書伐而無

貶詞者所謂不待貶絕而罪自見

音現

者也晉合八國

之君親往救鄭則卽同惡安中國之師也欲著其善

故特書救鄭以美之

啖氏曰救者救其患難凡救患皆爲美也家氏曰晉前此救鄭

皆以大夫帥偏師至是合九國之師自將以行春秋爵諸侯而書救鄭褒之也

言救則楚罪

益明而鄭能背楚從晉善亦著矣前此晉遣上將

去聲

諸國不與

音預

焉此則其君自行而會合諸國則楚人

暴橫

去聲

憑陵諸夏之勢益張亦可見矣故盟于馬陵

而書同盟者同病楚也

本孫氏發微家氏曰此合諸侯救鄭因以同盟幸諸侯之

猶同也愚按穀梁於新城斷道難澤平丘皆曰同外楚疏謂傳省文舉上下以包其餘則知晉霸之同盟大抵皆同外楚也王氏曰齊桓之救徐先盟于牡丘所以盟者爲救徐設也晉景之救鄭後盟于馬陵非特爲救鄭也有宋莒在焉宋以五年辭會魯衛受晉命侵之莒自晉文之卒至是始與盟約故知其因馬陵之會以固結之耳

公至自會

高氏曰諸侯會而楚師退故不以救鄭至

○吳壽入州來

左傳楚申公巫

臣與子重子反有怨及共王即位使巫臣聘於齊及鄭遂奔晉晉人使爲邢大夫子重子反殺巫臣之族巫臣自晉遺二子書曰爾以讒慝貪恡事君而多殺不辜余必使爾罷於奔命以死巫臣請使於吳晉侯許之吳子壽夢說之乃通吳于晉以兩之一卒適吳舍偏兩之一焉與其射御教吳乘車教之戰陳教之叛楚實其子狐庸焉使爲行人於吳吳始伐楚伐巢伐徐子重奔命馬陵之會吳入州來子重自鄭奔命子重子反於是乎一歲七奔命蠻夷屬於楚者吳盡取之是以始大通吳於上國王氏曰州來楚與國也杜氏曰淮南下蔡縣愚按屬今安豐路霍丘縣高氏曰吳楚爭強始見於此州來屬楚吳以兵入之著楚雖恃強而吳敢與之敵也張氏曰吳之始大豈特楚之患哉僭王而病中國亦晉有以啓之也家氏曰吳伐鄭春秋所憂也入州來又春秋所

喜也。州來，楚之附庸要害之地。吳得之，可以制楚也。陳氏曰：吳楚交兵，不書。至是始書之，始大通吳於上國。晉人爲之也。盟於蒲景，公將始會吳。吳不至於戚，而后至盟於雞澤。悼公又逆吳子吳，不至於戚，而后至。吳不敢自列於諸夏，而晉求之急，將以罷楚也。楚罷，晉亦不復伯矣。入州來，不可不錄其始也。○劉氏曰：左氏以謂州來，楚邑，非也。州來，小國，世服於楚，未嘗特與諸侯盟。會謂州來，真楚邑，則背於楚，未嘗特。

○冬大雩

高氏曰：冬，非旱時。曰大雩者，志其旱且僭也。○劉氏曰：穀梁云：冬無雩也，非也。周之十月，今之八月。若久不雨，可不雩乎？○衛定孫林父出奔晉。

景左傳：衛定公惡孫林父，故逐之。林父亡七年而

反戚焉。杜氏曰：林父，良夫子戚林父邑。林父出奔戚，隨屬晉。高氏曰：衛定公惡孫林父，故逐之。林父亡七年而恃晉反。衛復專衛政。又十九年，遂逐其君卒，以邑叛。則定公可謂知所惡矣。家氏曰：春秋中年，諸侯之大夫外

交強國以仇其君衛之孫氏魯之季氏其尤也林父自
結於晉之權臣爲衛國患幾四十年晉黨叛臣爲之羽
翼衛獻魯昭所以
失國晉實爲之也



春秋胡傳附錄纂疏卷十九